

MFUNGHO WA XIVANDZANA

 Sweswi, madyambu ya mundzuku... Minkarhi hinkwayo hi langutana ni nchumu wun'we, Hosi Yesu Kreste, swi hetisekile, hambi ku rhandza ka Yena ka Matimba ku hi lava hi swi endla. Kambe loko kuri ku rhandza ka Yena ka Matimba madyambu ya mundzuku, eka *Xilemo Xa Xikwembu*, hi ta vulavula ha xona, loko Hosi yi swi rhandza.

² Kutani madyambu lawa, hi nyika, loko A...ku ri nfanelo ya Yena eka hina kuva hi swi endla, kumbe ku ri nfanelo ya hina kuva hi N'wi endlela, kumbexana, madyambu lawa, hi lava ku vulavula hi tin'wana tidyondzo ta matimba swinene ta nkarhi lowu: *Mfungho Wa Xivandzana*.

³ Kutani madyambu ya tolo a hi ri eka tinguva ta kereke, *Tinguva Ta Tikereke Ta Nkombo*. Kutani hi sungurile hi Nguva Ya Kereke Ya Efesa, yale Efesa; hi hetelela hi Nguva Ya Kereke ya Laodekiya, ku nga nguva yo hetelela ya kereke. Ingaku Hosi yi nga engetela mikateko ya Yona sweswi eRitweni loko ha ha vulavula.

⁴ Sweswi a hi korhamiseni tinhloko ta hina ntsena xinkadyana hi ta khongela, ntsena hi nga se pfula Rito leri ra Matimba.

⁵ Tatana wale Tilweni lonene, hi nkhensa nkarhi lowu hi nga na wona madyambu lawa, kuva ha ha hanya, ni kuva ha ha ri lahawani emisaveni, madyambu lawa, ni kuva ni rihanyo ni ntamu, ni kuva hi tshamile emuakwini, laha Rito ra Xikwembu ri hlaiywaka kona.

⁶ Kutani ha khongela, O Mukutsuri la katekeke, Mukutsuri wa Rixaka ra ka hina Loyi a hi hlantsweke hi Ngati ya Yena, a hi basisa eka vudyoho, kutani sweswi u hi yisa eka Tatana, u nga ri ni nandzu, ha Kreste Yesu; U nga ha ta, madyambu lawa, kutani u teka Rito u Ri pfulela etimbilwini ta hina. Leswaku Moya lowo Kwetsima wu nga ha khoma Rito tani hilaha Ri nga tava ri dyondzisiwile, kutani Ri nga ha famba ri kongomile xikongomelo, eka mbilu yin'wana na yin'wana, mbilu ya mina na timbilu ta va yingiseri. Tani hilaha hi nga na xilaveko xa Rona, Tatana, leswaku Ri nga ha phakeriwa. Leswaku ku ngavi na un'we loyi a vaka na nandzu wa Rito. Kutani, Tatana, loko nkarhi wun'wana ndzi nga vulaka swin'wana leswi swi hambaranaka niku fambisiwa hi Wena, Moya lowo Kwetsima a wu pfali nomo wa mina. Ndzi tsakela ku tiva leswi swi nga Ntiyiso ntsena, niku famba eka wona.

⁷ Hi katekisi hinkwerhu sweswi, hi rivaleli swidyoho swa hina, tani hilaha hi hlengeletaneke eka yindlu leyi yo gandzela kona. Kutani swidyoho swa hina swi nga hava ehansi ka Ngati, ni mimoya ya hina yi hi veka eka tilhelo ra kahle ra ku dzunisa hi nkarhi lowu. Ha swi kombela hi Vito ra Yesu. Amen.

⁸ Sweswi, a kova ntsena ku ehleketa, xiphemu nyana lexi xa phepha lahawani, ndzi tsarile Matsalwa yo hlaya eka xona... ya kuva ndzi kongomisa eka wona, ku ma hlaya, ku sungula hi wona. Kutani sweswi loko ndzi yima lahawani, a swi ti komba ni nga swi tsakeli niku hlaya ni rin'we ra wona. Hi leswi swi nga tolovekisa ku fambisa xisweswo; mune kumbe ntlhanu wa ti ndzimana nyana kusungula hi tona.

⁹ Kambe ndzi lava ku hlaya kumbe ndzi rhanga hi ku vula leswi kusungula, leswaku, hi ku vulavula, a ndzi kalanga ndzi anakanya. Maswitiva, kumbexani, ntsena tani hi...ndzi hava leswi kunguhatiweke leswi ndzi nga swi vulaka ku tlula leswi mi swi endlaka, wa vona, ku nga ri na nchumu. Ntsena ndzi rindzela Yena. Kutani ntsena tani hiloko ndzi swi vona, ntsena ndza ya ndzi ya swi fikelela, ndzi swi teka ndzi swi humesela ehandle. Kutani nkarhi wu n'wana swi nga ha twakala swi khwaxa, nkarhi wun'wana, kambe ntsena i ndlela yi ri yin'we leyi ndzi nga swi kumisa xiswona. Swingaleswi yaleyo—yaleyo hi yona ndlela yi ri yoxe ndzi nga swi nyikaka ha yona.

¹⁰ Sweswi, eka leswi, mi nge swi ku...ndzi swi vula nakambe madyambu lawa. Leswi a swi kongomisiwanga eka un'we kumbe vukhongeri bya un'wana ni un'wana, wa vona, ku nga ri hinkwaswo. A hi pfumeli eka sweswo. Hi pfumela leswaku hi va Amerika va xiviri va ntiyiso, leswaku munhu un'wana ni un'wana a nga hava ni nfanelo yo gandzela Xikwembu kuya hiku lerisa ka ripfalo leri ri nga ra yena. Kutani hi ri lavisa xisweswo minkarhi hinkwayo. Kambe, eka kereke yin'wana ni yin'wana, hi ni madyondziselo.

¹¹ Minkarhi yo tala, eka minhlangano, tidinominexini, va ni madyondziselo yo hambuka. Kutani va tshama eka madyondziselo ya lawa yo hambuka, "Lawa i madyondziselo ya hina yo hambuka." A swi na mhaka leswaku muvuri wa rito u ehleketa yini, u fanele ku chumayela dyondzo ya vunwa, hikuva u le ka kereke ya dinominexini.

¹² Kutani lahawani, hi hava madyondziselo yo hambuka kambe Kreste ntsena, yaleyo i dyondzo yo hambuka; kutani a hi na nawu kambe rirhandzu; a hi na buku kambe Bibele ntsena. Kutani Kreste i Nhloko; kutani Bibele i buku ya hina yo hlaya; misava i ku tifuma ka mina. Swingaleswi ndzi tsakela—ndzi tsakela ntsena ku chumayela hi ndlela leyi ndzi titwaka ndzi fambisiwa ku chumayela ha yona, kutani ntsena hi ndlela leyi ndzi swi vonisaka xiswona.

¹³ Kutani eka lowu nkarhi, hiku vulavula ngopfu-ngopfu hi ku vulavula hi ku khwaxa loku ka mampela, ko nonon'hwa, loku ku tsemaka xiave xa Evhangeli, kambe, maswitiva, leyi i yindlu ya ku avanyisa. "Ku avanyisa kusungula e" (kwih?) "ndlwini ya Xikwembu." Hi swona. Lahawani hi kona laha ku avanyisa kusungulaka kona. Kutani ku ni...Loko mi ya

lahawani ekhoto, kutani mi ri ni nandzu, va ni buku ya nawu kwalahaya, va fanele ku hlaya nawu lowu, ku kuma leswaku u hehliwa hi yini. Kutani yaleyo hi yona ndlela leyi yi nga xiswona endlwini ya Xikwembu, hi fanele ku swi teka swi huma eRitweni ra Xikwembu.

¹⁴ Kutani sweswi, minkarhi yo tala, eka swilo leswi, swingaleswi vanani ni ntiyiso wa leswaku ma swi kuma leswi sweswi, leswaku, ndzi nga hava ndzi hoxa. Ku hlamusela ka mina ku nga hava ku hoxekile. Kambe ndzi ringeta ku Ri hlaya ntsena ndzi ri ekusuhi, kutani ndzi vula hilaha Ri vulaka ha kona. Ntsena ndzi tshama ndzi lulamile na Matsalwa, ndzi vula leswi Ma swi vulaka.

¹⁵ Kutani sweswi swi bihile ngopfu, kumbe... Kumbe a hi ku rhandza ka Hosi, kumbexani hi kona, a ndzi tivi, leswaku, ndzi tsakela leswaku ndzi va na vhiki endzhaku ka vhiki ntsena eka Buku leyi, ntsena ndzi tshama kwalahawani hi swivona loko swi khoma endzhaku eka Daniel, kutani Daniel na Nhlavutelo, kutani hi tiboha eka vaprofeta.

¹⁶ Kutani Rito hinkwaro ra Xikwembu ri bohiwile nyana kun'we. Tibuku ta Makume ntsevu-ntsevu, titsariwile hi tinhlayo ta vanhu, madzana ya malembe hi ku hambanana, kutani ku hava na yin'we yi hambaraka ni yin'wana, ku hava na yin'we. Yin'wana ni yin'wana ya tona yi hetisekile. A ku kalanga ku va na xiphemu lexi hlayiwaka xi nga tsariwa kufana na Yona, emisaveni hinkwayo.

¹⁷ A va ri kona, ku ringana magidi mbirhi wa malembe, va ri karhi va ringeta ku ncinka Xikhongelo xa Hosi. Ku engetela rito rin'we eka Yona, kumbe ku susa rin'we eka Yona, ku Yi antswisa. Ntsena a wu nge swikoti ku swi endla. Oho, Yi hetisekile. Yi Rito ra Xikwembu.

¹⁸ Kutani ndzi pfumela leswaku—leswaku Bibele i Rito ra Xikwembu leri nga hloholoteriwa. Rito rin'wana na rin'wana ra Yona ri hloholoteriwhile. Ntsena a ndzi pfumeli leswaku *leswi* a swi hloholoteriwanga, kutani *leswi* hi *leswi*, ni *sweswo* hi *leswi*. Ndza pfumela hinkwaro Ri hloholoteriwhile. Swi nga ha antswa hinkwaro Ri ri kahle kumbe hinkwaro ri hoxekile; kutani loko hinkwaro Ri hlanga-hlanganile, kutani a hi swi tivi *leswi* hi nga swi endlaka. Kambe Ri tano, rin'wana ni rin'wana, ri Ntiyiso. Ndzi tsakela ku nyikela vutomi bya mina eka xinkadyana xin'wana na xin'wana eka LESWI HOSI YI SWI VULAKA yi ri kwalawani.

¹⁹ Sweswi, sweswi ntsena va ni vusiku lebyi lebyi ntsongo. Kutani, hi ndlela yin'wana, hi tava na xikhongelo xa Muqhivela xa ni madyambu, hi ya emahlweni ntsena ku fana, kuva ni...

²⁰ Van'wana va vanhu va kereke va teri va tava va ri...ku tava kuri ni thyaka, ku ta ekerekeni hi Sonto ni mixo, kutani van'wana va vona va ta tshamela xikhongelo xa Muqhivela

xa ni madyambu, endzhaku ka xikhongelo, va ta pfuneta ku basisa kereke leswaku vanhu va nga ha ti hi Sonto ni mixo, kumbe...va nga swikoti ku tirha hi Sonto, ku—ku lunghisela kereke. A hi na...Hi lava...A ndzi Musavata, kambe hambi swi ri tano ndzi tsakela ku hlonipha ku—ku gandzela ntsena tani hi kusuhi tani hilaha ndzi nga swikotaka.

²¹ Kutani sweswi, swingaleswi, ndzi ehleketa leswaku ndzi ta swi tivisa madyambu ya mundzuku, kumbexani, loko Hosi yi swi rhandza, leswi hi nga ta vulavula hi swona madyambu ya Muqhivela.

²² Sweswi, madyambu lawa i: *Mfungho Wa Xivandzana*. Kutani madyambu ya mundzuku: *Xilemo Xa Xikwembu*. I timbirhi leti ngopfu-ngopfu ti nga...Ndza pfumela, i tidyondzo timbirhi leti ngopfu-ngopfu munhu a nga ta ka a nga hanyi handle ka tona kuva hi vulavula hi tona siku leri, hikuva hi ntiyiso ndza pfumela leswaku hi hanya enkarhini wa ku lavisia loku ka ku avanyisa ka *Xikwembu*. Ndza pfumela leswaku hi le sikwini ra swona. Nakona a hi swi lavi leswaku hi va lava nga ni timintsu. A hi lavi kuva lava va nga ni swihoxo. Ntsena hi lava ku swi tshunelela tani hi vutlharhi tani hilaha Bibele yi nga ta swivula lahawani; kutani Sweswo swi hetisekile, hakunene.

²³ Kutani sweswi hiku endla leswaku, hi twa vanhu vo tala, namuntha, va vulavula hi mfungho wa xivandzana. Mi wu twile nkarhi wo leha, “Xana wona i yini? Xana wu endle hi mani? Kwihi? I va mani va nga tava na wona? Kutani loko va ri na wona, xana—xana wu ta endla yini ha vona? Yini? Yini? Xana wu ta mi vavisa xana? Xana—xana ku na ku vaviseka eka wona xana?”

²⁴ Kunene, sweswi, sweswo hi swona swi endlaka leswaku hi—hi lava ku swi kumisia hi Rito ra *Xikwembu*, xo sungula, “Loko kuri ni mfungho wa xivandzana ku vulavuriwaka hi wona eBibeleni?” Kutani lexi xi landzelaka, “I nguva yihi leyi yi fambelanaka na swona xana? Nakona hi vahi vanhu lava nga tava na wona? Nakona mi ta endla yini? Xana mi ngava na wona mi nga swi tivi leswaku mi na wona xana?” Ni kuya emahlweni, leswaku, ntsena swivutiso swo tani hi sweswo. Swingaleswi, ku ya hi vutivi bya mina byo antswa, leswaku—leswaku leti ku tava kuri tin’wana tidyondzo timbirhi leti hi nga takha hi nga hanyi loko hi ngari na tona leti ndzi nga ehleketa ha tona eBibeleni, *Mfungho Wa Xivandzana*, na *Xilemo Xa Xikwembu*.

²⁵ Sweswi, xo sungula, ndzi ni Matsalwa lahawani ku kombisa loko...kumbe ntsena lawa ndzi nga matsala, swingaleswi ntsena ndzi nga Ma pfula, kutani i Mukwetsimi...Ku sungula hi wona, ntsena a hi voneni leswaku mfungho wa xivandzana i yini, kutani, “Swi ni khombo kuva ni mfungho lowu xana? Hi

swona?" Sweswi eka Nhlavutelo, ndzimana ya vu14 na vhese ya vu9, i hungu ra ntsumi ya vunharhu. Sweswi, un'wana ni un'wana loyi a nga xichudeni xa Bibebe . . .

²⁶ Ndzi vona Makwerhu Stanley lahawani, ni va mbirhi kumbe vanharhu va vuli va rito va nga kona sweswi. Kutani madyambu lawa ya hundzeke a kuri ni vamakwerhu van'wana lahawani lava a va huma eka seminara ya Baptist eLouisville, kumbexani ku nga hava kuri ni van'wana madyambu lawa. A ndzi tivi. Kumbexani ku nga hava kuri ni va Methodist, Baptist, Khatholiki, kumbexana ku nga hava kuri ni va Orthodox Jew. A ndzi tivi. Kambe a swi tano . . .

²⁷ Leswi a hi ku vavisa ka vutitwi bya un'wana; a swi tano. Kutani ntsena i swa . . . Ntsena hi ndlela leyi Bibebe yi nga tsarisiwa xiswona, ku Yi hlaya, niku mi pfumelela leswaku mi Yi languta, n'wina hi n'wexe. Kutani ntsena a hi Yi tschuneleleni ntsena tani hi vutlharhi tani hilaha hi swi tivisaka swona leswaku njhani, hi ku chava Xikwembu, hi ku tiva leswaku Xi ta hi avanyisa eka rito ra hina. Marito ya hina ma nga hi katekisa kumbe ma hi avanyisela hi Siku ra ku Avanyisa.

²⁸ Kutani loko ndzi titwa leswaku ndzi tiva swin'wana, kutani ndzi nga swi endli, kutani Xikwembu xi ta endla leswaku ndzi swi hakela hi Siku ra ku Avanyisa; kutani mimoya ni mavoko ya vona, va ku, "Makwerhu Branham, loko ntsena a wu lo hi byela, a hi tava hi ngari eka xona xiyimo lexi namuntlha."

²⁹ Ndzi lava ku yima tani hi Paul wa khale, "Ndzi tiyisa leswaku a ndzi na nandzu engatini ya n'wina hinkwenu. Hikuva a ndzi tshikanga ku mi byela makungu hinkwawo ya Xikwembu." Sweswo i ntiiyiso, ntsena tani hiloko ndzi Swi vona; kutani loko ndzi hoxile, Xikwembu a xi ndzi rivaleli. Swilo leswi a swi kalanga swi ta . . . A ndzi kalanga ndzi ya eka seminara yin'wana, a ndzi kalanga ndzi ya exikolwени xin'wana, a ndzi kalanga ndzi teka rito ra munhu un'wana ra Yona. Ndzi yile ndzi kongomana na Bibebe, hi xikhongelo. Kutani leswi i swa Matimba leswi swi paluxiweke hi Moya wo Kwetsima, Ntsumi ya liya ya Xikwembu leyi yi ndzi fambiseke ku ya ni komba swivono ni ku ya emahlweni tani hi sweswo, niku horisiwa ka vavabyi. Kutani mi nga ha avanyisa hi sweswo loko Ri ri ntiiyiso kumbe ri ngari wona.

³⁰ Sweswi, hi leri hungu ra ntsumi ya vunharhu, eka misava. Kutani ma tiva i yini, hungu ra ntsumi ya vunharhu, ri ya emahlweni sweswi esikwini leri. Leswi i ku haha ka hungu ra ntsumi ya vunharhu, loko u ri muhlayi wa Bibebe.

³¹ A ku ri ni makhombo ya nharhu ya ri landzelaka. Ro sungula ri humelerile hi Nyimpi Yo Sungula Ya Misava. Ra vumbirhi ri humelerile hi Nyimpi Ya Vumbirhi Ya Misava. Maswivona leswaku hi ya kwihi sweswi. Swilulamile. Hi le makun'wini ya patu.

³² Sweswi a hi kumeni leswi emiehlekeweni ya hina, ntsena hi nga se hlaya Matsalwa. Hi xiyimo, ha boheka kuva eka nguva yo hetelela. Leswaku wu tava nkarhi wo leha ku fika kwih? A ndzi switivi; ku hava na un'we loyi a swi tivaka.

³³ Kambe, langutani, a hi tekeni mavulavulelo ya matimu. Magidi mbirhi ya malembe lawa yo sungula, xileriso xa misava xi fikile eka ntlimbo, kutani Xikwembu xi hlaserile misava hi mati. Maswitiva sweswo xana? [Nhlengeletano yi ku, "Amen."—Muhleri.] Kutani yi humeleta tani hi misava leyintshwa. Kutani xa vumbirhi kuva magidi ya mbirhi ya malembe, nakambe ma hela, kutani Xikwembu xi rhumela Yesu. A hi swona xana? ["Amen."] Loko i ku hela kun'wana ka magidi mbirhi wa malembe, 1954. "Kutani Evhangeli," Yesu u teri, "ntirho wu ta tsemiwa wu koma," (hikwalaho ka yini?) "hikokwalaho ka vahlawuriwa, kumbe ku ri hava nyama leyi yi nga ponisiwaka," yi tava yi tsanile. Swingaleswi hi le ka nkarhi wa makumu. Kutani xa vunkombo, hi xifananiso, i Miliniyamu, malembe ya khume ra madzana.

³⁴ Tani hilaha Xikwembu xi tirheke ntsevu wa magidi wa malembe, ha swi tiva leswaku khume ra madzana wa malembe... "Siku rin'we eTilweni ri ringana na khume ra madzana wa malembe emisaveni," Petro wa Vumbirhi. Wa vona? Sweswi, kutani Xikwembu xi akile misava hi ntsevu wa magidi wa malembe. Kutani Kereke yile ku tirheni ku lwisana ni vudyoho sweswi ku ringana ntsevu wa magidi wa malembe. Kutani nkombo wa magidi, Xikwembu xi yile eku wiseni, kutani xi wisile hi ra vunkombo; kutani, sweswi, i xifananiso xa Miliniyamu, xa Kereke kuva yi hanya lahawani emisaveni, kona kwalahawani hi xivumbeko xa miri, ku ringana khume ra magidi ra malembe, ku nga ri ni vuvabyi, nhlomulo, makhombo, kumbe rifu. Nguva yaleyo, leyikulu ya nsuku yi tako sweswi! Oho, eka sweswo! Oho, ndzi rhandza risimu lero:

Misava yile ku konyeni, yi rilela ku humesiwa
ka siku lerinene,
Loko Yesu a ta tlhela a vuya laha misaveni
nakambe. (Ndza swi rhandza sweswo.)
Vudyoho ni nhlomulo, switlhavi ni rifu ra
misava leyi ya munyama swi ta hundza,
Eku fumeni loku ku kwetsimaka na Yesu ka
gidi ra malembe ya ku rhula.

Bibele yi teri, "Va ta fuma niku tshama na Kreste kuringana khume ra madzana ya malembe," ku nga Miliniyamu.

Sweswi, hungu leri ra ntsumi ya vunharhu, ntsena loko Hosi yi nga se Vuya, loko Xilemo na mfungho swi vekiwile. Sweswi, kutava ni ku songa-songa loku kulu, ku songa-songa.

³⁵ Ku songa-songa, ehandle eVupela-dyambu, loko hi ti humesa, ndzi swi toloverile, loko ndza hari jaha, kuya rhendzeleka ehandle eXihlobyen i niku rhendzeleka eBobomeni, ndzi ya ehandle etintshaveni niku risa tihomu ehansi. Kutani endzhaku ka loko hi kumile tihomu hinkwato leti a hi ti lava, etindhawini hinkwato, kutani hi tsema hinkwato leti-...tin'wana leti ti ngariki ta hina. Ta hina hi ti paka na xisana, kutani hi ti hisa ku ti fungha. Kutani loko mitshame mi...

³⁶ Xana kuna loyi a nga tshama a vona xisana xa vona xa tihomu? I nchumu wa kahle ku hlalela xisana xa vona xa tihomu. Ndzi toloverile ku ti twela vusiwana tihomu. Kutani swi nyenyetsa njhani loko u sungula ku funghetela tihomu hi kuti hisa. Ku hisa nsimbhi a kuri ntirho wa mina wa ntolovel, ni yi paka nsimbhi. Kutani ni yi veka ehenhla eka xibyatswana nyana lexi nga kwalahaya, kutani milenge ya yena yi bohiwa; u n'wi vekela nsimbhi yaley yo hisa, kutani voya ni nyama swi katingeka; hi xithayerani nyana eka yona, hi n'wi chucha. Kutani hi vulavula hi ku famba! U ta famba hakunene. Kambe, langutani, u funghiwile.

³⁷ Kutani yaley hi yona ndlela leyi Xikwembu xi hi endlisaka xiswona. Mifanele ku khizama eka altari mi bohiwa xinguluve, xikan'we hi karhi wun'we. Kambe, makwerhu, loko Moya lowo Kwetsima wu tshame wu mivekela xisana, mi nga hava mi tsutsume ngopfu mitlhela mi huwelela, kambe mi funghiwile. Sweswo hi swona. Mi kwalahaya. Loko Boso yi tshunela, Yi tiva laha mi nga va kona.

Kambe, oho, eka ku pepetseka kwaloko ka lembe rin'we ntseña, nakulorhi yaloye a soriweke a tlhela a tlherisiwa exikarhini ka—ka maendlelo ya tiko.

³⁸ Sweswi, i nkarhi wa xisana. Kutani sweswi ku tava kuri ni vakhandziyi vambirhi ntseña eka leswi, ku famba kwaloko ku tava kuri ka Xikwembu na Sathana. Sathana u ta teka va yena, ni Xikwembu xi teka va Xona. Madyambu lawa hi ya vona lava va nga ambala xisana xa Sathana, kutani madyambu ya mundzuku hi ya vona lava nga ambala xisana xa Xikwembu, kuya hi Rito ra Xikwembu.

³⁹ Sweswi hi leri hungu ra ntsumi, vhese ya vu9 ya ndzimana ya vu14. Hi ta hlaya Matsalwa yo tala lahwani, ndzi matsarile. “Kutani ntsumi...”

Kambe ntsumi ya vunharhu yi ti landzela, yi vula hi rito leri tlakukeke, Kungaku loko munhu a khongela xivandza ni xifaniso xa xona, a teka ni mfungho emombyeni wa yena, kumbe...vokweni ra yena,

Na yena u ta nwa vhinyo ya vukarhi bya Xikwembu, leyi cheriweke yi nga hlanganisiwanga exinweleni xa

ku kariha ka xona; kutani . . . u ta xanisiwa endzilweni nile xivavuleni emahlwени ka tintsumi leto kwetsima, nile mahlwени ka Xinyimpfana:

⁴⁰ Hakunene a hi lavi nchumu leswi hi nga swi tirhaka ha sweswo! Langutani.

Musi wa ku xaniseka ka vona wu mbuluka hi masiku ni masiku: kutani lava gandzelaka xivanda ni xifaniso xa xona, va nga ka va nga kumi ku wisa vusiku ni nhlikanhi, hambi va ri lava amukeleke mfungho wa vito ra xona.

⁴¹ A ndzi lavi nchumu swo swi endla ha sweswo, ndzi na ntiiyiso. Ina. Yingiselani vhese leyi yi landzelaka, loko ndza ha yi languta.

Hilaha ku nga kona ku tiyisela ka vakwetsimi: va naga lava va hlayisaka ku lerisa ka Xikwembu, niku pfumela eka Yesu Kreste.

⁴² Sweswi ndzimana ya vu15, vhese ya vu2. Kutani... Yingiselani sweswi, eka ndzimana ya vu15 na vhese ya vu2. Sweswi, a hi ri eku hlayeni kusuka eka ya vu14, na vhese ya vu9. Sweswi ya vu15, na vhese ya vu2.

Kutani ntsumi yo rhanga, yi ya chulula ximbitana xa yona emisaveni; kutani lava ngi va ri ni mfungho wa xivandza . . . ni lava khongelaka xifaniso . . . xa xona va huma swilondza leswo biha, leswi vavisaka ngopfu.

Ndzimana ya vu16 na vhese ya vu2.

Kutani loyi tihosi ta misava ti oswaneke na yena, lava akeke misaveni va pyopyiweke hi vhinyo ya vukarhi bya vuoswi bya yena.

⁴³ Yimani nyana. Ndzi khomeleni. Ndzi pfurile, ndzi fanele ndzi ti pfula ti ri timbirhi xikan'we. Swikahle. Sweswi ndzimana ya vu20 na vhese ya vu4. Swikahle, hi hina lava.

Kava loko ndzi vona swiluwelo, na vona lava va tshameke ehenhleni ka swona, ka swona va nyikiwa matimba ya ku avanyisa: Ndzi vona ni mimoya ya lava tsemeke tinhloko hikwalaho ka vumbhoni bya Yesu Kreste, ni hikwalaho ka rito ra Xikwembu, ni lava nga gandzelangiki xivandza, hambi xi ri xifaniso xa xona, ni lava nga amukelangiki mfungho wa xona emimombyeni, kumbe emavokweni ya vona; kutani va hanya niku fuma na Kreste hi malembe ya khume ra madzana.

⁴⁴ Hi ngaka hi nga amukeli mfungho wa xivandzana hi tlhela hi gandzela Kreste kumbe kuva na Yena. "Kambe lava va nga ta gandzela xivandzana kumbe xifaniso xa xivandzana, va ta xaniseka emahlweni ka Xikwembu ni le vukoneni bya tintsumi to kwetsima." Sweswo hi leswi Hosi yi swivulaka ha wona.

⁴⁵ Sweswi hi ya eku sunguleni. Pfulani eBibeleni ya n'wina sweswi eka ndzimana ya vu13 ya Nhlavutelo, kutani hi ta sungula ku nga ri khale ngopfu. Sweswi leswi swi twakala ngopfu. Kutani yingiselani hi vurhon'wana sweswi.

⁴⁶ Xo sungula, hi lava ku teka dyondzo leyi yi humaka emadyambini ya tolo. Madyambu ya tolo hi vulavurile hi tinguva ta tikereke, leswaku, leswi hi nga swi vonisa xiswona loko Yesu a yimile eka Kereke ya Yena, "A vulavula tani hi rito ra mati yo tala; kutani A ri na misisi yo kotisa wulu; matihlo tani hi ku pfurha ka ndzilo."

⁴⁷ Tsundzukani, hi—hi hinkwawo Nhlavutelo i xivono, kutani i wa ximfungho. Hinkwaswo swi ni tinhlamuselo, swingaleswi mi fanele ku swivona swinene. Hlayani hi ta vaprofeta, mi vona leswaku mimfungho a yi vula yini, kutani mi swi pimanisa ni lahawani kutani mi ta swivona leswaku mimfungho yi vula yini hakunene.

⁴⁸ "U na mahlo tani hi ku pfurha ka ndzilo," wu tsutsuma niku suka emisaveni. Kutani hi kuma leswaku ku pfurha loku, tani hi . . . "Mantlharhi, tlharhi ri huma hi nomo wa Yena, kutani tlharhi ra vukarhi hi matheloh mambirhi," kutani hi kuma leswaku lero i Rito ra Xikwembu ri yaka emahlwemi hi nomo wa Kereke. "Kutani Ri nga ha tsema ni mongo wa rhambu, niku avanyisa mianakanyo ni makungu ya timbilu," Vaheveru ndzimana ya vu4.

⁴⁹ Hi kuma leswaku Kereke yi yimile kwalahaya ni ku xonga ka Yona; Kreste ntsena a Yi vumba! Kutani Kereke yi ambarile "nguvu" yo basa. Kutani mi swi xiyisia, a Yi ri wansati, "kurbendzeleka hi mavele," A ri ni nguvu leyi yi funengeteke tingana ta Yena; kutani a ri ni "ngoti ya nsuku" leyi, yi kokiweke ku rhendzeleka ha yona, leyi a yi bohiwile ku rhendzeleka hi mavele. "Ku basa," ku vulavula hi Mukreste la lulameke; kutani "ngoti ya nsuku" yi yimela Evhangeli. Ku chumayeriwa ka Evhangeli ku tisa Moya lowo Kwetsima eka Kereke, ku lulama ka Kreste; ku khomelerile kwalahaya, ku bohiwa hi xinari, hi vamba ra xinari.

⁵⁰ Kutani A yimile ehenhla, "milenge yi fana na koporo, leyi nga hisiwa ekheleni ra ndzilo." Koporo ku vulavuriwa hi ku avanyisa ka Matimba. Kutani Xikwembu, xi ta wisisa ku hlambanya ka Xona lokukulu loku Xi nga ku teka, Xi rhumerile Kreste, kutani Kreste u hakerile ku avanyisa ka Matimba. Kutani Kereke yi kongomisiwile ehenhleni ka ku avanyisa ka Matimba, Kreste u yimile endhawini ya Kona. I xifaniso xo saseka njhani, "Ku yima eka Swikhoma Makhandele Swa Nkombo!"

⁵¹ Kutani hi kuma leswaku, nguva ya kereke yo sungula, leswi a va ri na swona. I vangan lava a vari lahawani madyambu ya tolo, ndzi vona mavoko ya n'wina? Swikahle, sweswo swi

lulamile. Nguva ya kereke yo sungula, ha swi kuma, eka Nguva Ya Kereke Yale Efesa, a va ri ni nkhuvulo wa Moya lowo Kwetsima. Nakona va khuvurile vanhu hi mati, nakona a va ri ni... Tinxaka hinkwato ta masingita ni swihlamariso leswi a swi landzela vapfumeri.

⁵² Kutani hilaha, eka nguva yin'wana ni yin'wana ya kereke, Yi sungurile ku ntima. Xiphemu xa vumbirhi, xiphemu xa vunharhu, kutani kuya eka nguva ya munyama. Kutani va humile na vito ro hoxeka, na nkhuvulo wo hoxeka, havumbirhi wa mati na wa Moya lowo Kwetsima.

⁵³ Hiloko va ta ehansi, eka nguva leyi landzelaka, kutani va layitile nyana swintsongo. Kutani a kuri ni rivanti leri vekeriweke, ku pfuriwa, exikarhi ka Filadelfiya na Nguva Ya Kereke Ya Laodikiya.

⁵⁴ Hiloko Laodikiya yi kumeka yi kufumela nikuya emahlweni yi humesa mpfumawulo wa Yona, kufikela laha Xikwembu xi yi nhlataka hi nomo wa Xona. Sweswo hi swona. Yalawa i Matsalwa.

⁵⁵ Kutani un'wana ni un'wana wa matimu ni un'wana loyi a pfumelaka eka vupfumeri bya xiviri wa swi tiva sweswo swa Tinguva Ta Tikereke Ta Nkombo leti, kumbe "Swikhoma Makhandelele Swa Swa Nkombo Swa Nsuku," tani hilaha Bibele yi nge teri, a kuri Tinguva Ta Tikereke Ta Nkombo. Tani hi Testamente ya Khale yi nga xifananiso xa Yintshwa lahawani, kutani ntsena tani hiloko yi huma.

⁵⁶ Kambe kutava niku ninginika lokukulu ni mpfuxelelo ntsena ku nga se fika ku pfariwa ka nkarhi wa ku hangalaka ka Vamatiko, Vayuda va nge se Yi teka nakambe.

⁵⁷ Tsundzukani, Vamatiko ntsena va pimeriwile, nhlayo ya nkarhi wa tintswalo. Bibele yi teri, "Va ta wisa makhumbhi ya Yerusalem," Yesu u teri, "ku fikela nkarhi wa ku hangalaka ka Vamatiko wu hela." Sweswo hi swona. Swi ni nhlamuselo ya nkarhi lowu vekiweke wo heteleta.

⁵⁸ Kutani hi kuma swilo leswi va swi endleke endzhaku lahaya. Hi xiyisisile masingita ni swihlamariso leswi a swi va landzela, hilaha Kreste a nga va byerisa xiswona hilaha a swi sasekise xiswona, ni hilaha a va ri ha kona. Kutani Rivoni ri sungula ku hunguteka niku hunguteka, ri famba. Kutani ntsena eku pfalen, ku fanele ku va ni nyangwa wun'wana wu nga pfuleka wu tshameleke Kereke. Sweswi mi nge hi yima lahawani hi nga se nghena eka swona. Xiyisisani, a hi tekeni vupprofeta byin'wana lebyi byi tako emiehlekeweni ya mina. Muprofeta u teri, "Kutava na siku leri ku nga tava ku nga ri vusiku kumbe nhlikanhi."

⁵⁹ Ndzi rhasa ngopfu xana? [Nhlengeletano yi ku, "Ee."—Muhleri.] Loko mi nga swikota, mi nga ha hunguta

nyana kwalaho...ndza swi tiva swi na ngulumelo, hi swona swi endlaka leswaku ndzi vulavula ndzi rhasa nyana, leswaku vanhu lava va nga endzhaku va va ni ntiyiso wa leswaku va swi twa. Hikuva, Leswi a hi nge hanyi hi ngari na swona.

⁶⁰ “Kutani kutava ni nkarhi, siku,” muprofeta u teri, “leri ku nga tava ku nga ri vusiku kumbe nhlikanhi.” Hi marito man’wana, ku tava ni ku vonakala, kambe kutava kuri ni mapapa, wa bona, siku ra mapapa. “Kambe hi nkarhi wa ni madyambu kutava ni Rivoni.” I xifaniso xo saseka njhani!

⁶¹ Sweswi, loko vurhonga byi tshovelela siku leri ra mapapa, sweswo swivula leswaku kutava ni tinyimpi, ni mikitsikitsi, nikuya ehenhla nale hansi, niku hangalaka, ni tikereke, ni tidyondzo, ni swin’wana ni swin’wana. A ku ngevi niku vonakala kumbe xinyami. Kutava kuri nkarhi lowu hi wu tivaka leswaku kuna Xikwembu, nakona ku na Evhangeli, kambe a ve nge Yi voni hi ku olova. Maswitiva leswi ni swivulaka? Va taku, “Bibele yi vule tano leswaku va swi endlise *xisweswo* endzhaku eka Pentekosta, va swi endlise *xisweswo* eka Kereke yo sungula, va vile na wona masingita lawa ni swihlamariso, kambe kereke ya—ya hina a yi swi dyondzisi Sweswo.” Wa bona, ri na mapapa, kumbe ri xinyami kumbe nhlikanhi. “Kambe, hambiswiritano, hi pfumela eka Yesu Kreste. Hi pfumela eka ku Vuya ka Yena ra vumbirhi, kutani ha swi tiva leswaku U le ku vuyeni.”

⁶² Bibele yi teri, “Kutava niku vonakala kumbe munyama.” U ngaka u nga ri vitani nhlikanhi, nakona u ngaka u nga ri vitani vusiku. Kambe, xiyisisani, “Hi nkarhi wa ni madyambu kutava ni Rivoni,” hi nkarhi wa ni madyambu!

⁶³ Loko vanhu va le vuxeni...Buku ley i Buku yale vuxeni; Bibele yi tano. Loko Rivoni ri tava ri xikile eka Kereke yo sungula, eEfesa, kunene, ha swi tsundzuka nikuva hi vonile leswi swi tekeke ndhawu kwalahaya; Rivoni ra Xikwembu ri tile hi Yesu Kreste, hi ku cheriwa ro sungula ka Moya lowo Kwetsima. Wu nyikile Rivoni eka misava hinkwayo, niku tsala Bibele. A hi swona xana? [Nhlengeletano, “Amen.”—Muhleri.]

⁶⁴ Sweswi U tshembhisile, ematikweni yale vupela-dyambu, dyambu ri xa evuxeni, emasunguleni ya ku hangalaka ka tintswalo, kutani sweswi dyambu ri pela evupela-dyambu, eka vanhu vale vupela-dyambu. Hi vanhu vale vupela-dyambu. [Makwerhu Branham a gongondza aphulphitini ka nharhu—Muhleri.] Nakona U tshembhisile leswaku kutava ni mpfuxelelo nakona ku tava ni Rivoni enkarhini wa ni madyambu. Hi lahwani. Rivoni rile ku voningeni, “kutani munyama a wu Yi twisisanga.” Sweswo hi swona. “Vanhua rhandza ku endla swo biha krtlula ku endla swa kahle.”

⁶⁵ Kambe ntsena swile ku lunghisiweni ka kuva swi wela ehansi ekusuhi. Kutani Rivoni leri ntsongi hi nga na rona,

khomelelani eka Rona. Langutani, ka hari Rona dyambu rin'we leri ri xeke eka Vayuda, ri pela lahawani eka Vamatiko. Eka nguva hinkwayo lahawani, eka magidi mbirhi wa malembe lawa, va vile na swona *leswi*, na *sweswo*, na minhlangano niku hangalaka, na *leswi* na *sweswo*. Kutani vanhu a va swi tivi leswaku va yime kwihi.

⁶⁶ Kambe Bibele yi swi tshembhisile, Xikwembu xi swi endlile, kuya hi muprefeta, leswaku, "Enkarhini wa madyambu kutava ni Rivoni." Kutava ni Rivoni enkarhini wa ni madyambu. Ndza pfumela leswaku hi kwalahawani. Dyambu ra pela. Ntumbuluko hinkwawo wule ku konyeni, wu rilela siku lero. Xiyisisani.

⁶⁷ Sweswi hi kuma, leswaku, leswi a va ri na swona eka nguva yo sungula ya kereke, a vari ni dyondzo leyi yi chavisaka. Xo sungula, ntsena yi vuye yi hundzuka "mintirho." U teri, "Kambe U venga mintirho ya Vanikolayiti."

⁶⁸ Ndza hlama laleswaku Vunikolayiti a kuri yini? Ndzi nghanile eka swona sweswo, kutani nile ka matimu, kuya emahlweni nile mahlweni nile mahlweni, kuya hi tinhlamuselo to antswa ndzi nga ta ti kumaka, kutani a kuna munhu la switivaka, handle kaloko kuri dyondzo leyi yi nga sungula hi munhu, Nic, Nicolas, loyi a fanele a ri un'wana wa vaapostola laha ku nga maendlelo ya ku pepetseka. U ti vekerile mikhuva ya yena, kumbe swin'wana, kutani kusungula kwalahaya hiloko kusungula Vunikolayiti. A kuri mintirho, xo sungula. Kutani laha a kuri "mintirho" eEfesa, eka nguva yin'wana leyi a yi landzela ya kereke ku vile "dyondzo." Kutani yi ya eka tinguva ta xinyami ta ku xaniseka.

⁶⁹ Sweswi dyondzo leyi yi fanaka ya Vanikolayiti leyi yi sunguleke lahawani eka kereke yo sungula, endzhaku ka rhengu ro sungula ra vunharhu kumbe marhengu ya yumune ya vuapostola, ku vile mintirho. Va sungurile ku ehleketa, "Kunene, *leswi* swi tava Rona." Sweswi votala va n'wina maswitiva leswaku swi te njhani, na n'wina vahlayi va Bibele.

⁷⁰ Sweswi, swi sungurile kwalomu ka A.D. 600 ni... kumbe 306, laha va nga swivitana mbulavulo wa Constantine. A nga kalanga a hundzuka hambi kuri ku hundzuka. Munhu loyi a endleke swilo swa thyaka leswi nga endlifa hi wanuna yaloye, a nga kalanga a hundzuka ni ku hundzuka. Sweswo hi swona. Xilo xin'we lexi a nga tshama a xi endla, lexi a ri ni—ni vukhongeri byin'wana eka swona hinkwaswo, u vekile xihambano eka kereke ya Saint Sofia. A ku nga ri swona sweswo, kuya eTilweni a ya lava yini? Swikahle. U byerile Vakreste, leswaku loko a wina nyimpi yaleyo, u tava Mukreste. Kutani va khongerile. Kutani u humile a ya hlula enyimpini, kumbe ku wina nyimpi, kutani u vuyile a fika a ku, "Kunene,

ndzi ta joyina kereke.” Xifaniso xin’wana xo saseka xa Kereke ya swirho swo kufumela namuntlha. Sweswo hi swona. A vekela xihambano ehenhla ka kereke.

⁷¹ Endzhaku ka rifu ra yena...A ri ni vana va mbirhi va majaha, majaha manharhu; Constantine, Constantius, na Constans-tinople, laha swi sunguleke ku endleka evuxeni nile vupela-dyambu bya Rhoma, kutani va hangalakile. Kutani kwalahaya, manuku, va va Ottoman Empire, hi nkarhi walowo.

⁷² Kutani swingaleswi, vona, kwalomu ka rhengu ra yumbirhi, kumbe ra vunharhu, rhengu ra vumune ra vaapostola; kutani manuku, nchumu wo sungula lowu mi wu tivaka, va sungurile ku belana huwa. Kutani vatshovile, dyondzo nyana.

⁷³ Un’wana na un’wana, mi teka kereke...Lahaya, loko kereke ya leyo ya Wesleyan Methodist ya hari eka matimba, a yi ri ni matimba loko John Wesley a hari lahawani. Va Lutheran a vari, eka siku ra vona; ni un’wana ni un’wana. Kambe mi nge loyi a yi tumbuluxeke a fa, xikan’we-kan’we, kutani va pepetseka.

⁷⁴ Loko Hosi yi sungurile hi ku humeleta endzhaku lahaya; loko va tava va ndzi lavile leswaku ndzi sungula, ku endla nhlangano eka Leswi, kuya emahlweni tani hi leswi. Ndzi yile ehenhla lahawani, kutani ndzi vonile laha Dwight Moody, mutumbuluxi wa kahle, wa Moody Bible Institute. Kutani ndzi ehleketa, “Loko Dwight Moody a nga ha languta ehenhleni ka Bible Institute ley; leswi wanuna yaloye a nga yimisa xiswona, kutani ni leswi va swi endlaka sweswi!”

⁷⁵ Kunene, ndzi teri, “Langutani lahawani, langutani, kunga—kunga humeleta yini loko Wesley, Calvin, Knox, Finney, Sankey, kumbe Finney, un’wana wa vona, a nga pfuka namuntlha, a vona kereke ya vona laha yi nga kona!” Oho, mina! Wa vona, rhengu ro sungula, loko wanuna a yimile lahaya, a khomile Ntiyiso.

⁷⁶ Langutani eka Dok. Dowie eZion City, hikokwalaho ka yini, namuntlha, va hleka exikandzeni xa ku hanyisiwa ka Matimba, loko do—do doroba ra ha kongomisiwa ehenhleni ka swona. Kambe loko Dowie a tava a file, hiloko ku ta mani...Blake, John Lake ni hinkwavo ka vona. Swingaleswi, xo sungula mi xitivaka, u vavisekile hinkwako sweswi ku kondza Assemblies of God yi swi kuma, ni ntlawa lowukulu wa swivumbeko ni swin’wana. Kutani—kutani kereke yi tlhelele endzhaku, kutani yi va eka xiyimo lexi chavisaka.

⁷⁷ Swingaleswi ndzi kumile leswi, Bibele yi teri, “Davida u tirhele Hosi kahle eka rixaka ra yena.”

⁷⁸ Hiloko ndzi ku, “Hosi, a ndzi kali ndzi lava nhlangano. U ne ndzi Ku tirhela hi mbilu ya mina hinkwayo, loko ndza ha hanya lahawani.” Sweswo hi swona. “Lexi xi landzelaka, U

tava ni munhu un'wana loko ndzi tava ndzi fambile. U tava ni un'wana loyi a nga ta teka ndhawu ya yena." Hiswona hinkwaswo sweswo.

⁷⁹ U nga ringeti ku aka eka un'wana. A wu nge swi koti ku tshivela ndzilo eka misava yin'we. Israel ri fanele kuya emahlweni niku famba. Loko va tava va yimile, va tlhelerile endzhaku. A va fanele ku tshamela ro famba vusiku byin'wana ni byin'wana; va tshivela ndzilo wuntshwa vusiku byin'wana ni byin'wana; ntsena ku famba va ya emahlweni niku famba. Kutani sweswo hi leswi hi faneleke ku swi endla. Leswi Luther a ri na swona a swi ri kahle; sweswo a swi ri swa siku ra Luther. Leswi Wesley a ri na swona a swi ri kahle; sweswo a swi ri swa siku ra Wesley. Leswi holines a yi ri na swona, a swi ri kahle; sweswo a swi ri swa siku ra vona. Hi hanya eka rin'wana siku. Sweswi hi—hi ya emahlweni. Kutani kutava ni siku endzhaku ka hina, ntsena ri tata kufana. Kambe a hi fambeni a Rivonini loko Rivoni ra hari lahwani sweswi.

⁸⁰ Kutani ndzi xiyisisa leswi, leswaku, kwalahaya dyondzo leyi yi va, xosungula mi xi tivaka, ku fikela laha yi tshovaka xijumba xa tidyondzo, kutani Marhoma va kumeka va hundzuka. Sweswi, mfumo wa Rhoma, kusukela emasikwini yo—yo sungula ya Rhoma kuva yi tekile niku wina tiko ra Vamatiko kusuka eGreece, endzhaku ka kuwa ka Alexander the Great, ri vile tiko leri ri rhangelaka misava; vanhu va Rhoma, nguva ya Vamatiko. Daniel u vule tano, eka xivono. Hi ta nghena eka swona, eka—eka timinetse leti ntsongo. Kambe minkarhi hi hinkwayo ri ni matimba ya ku rhangela misava; Rhoma.

⁸¹ Kutani hi swi kuma kwalahaya, manuku, leswaku va kondleterile kereke. Ntlawa wa vanhu va va kun'we, kwalomu ka 606, kutani va tititana, "vatatana vo sungula," vatatana va kereke. Ntlawa wa vavanuna lava va nga va kun'we ni kuva ni huvo ya leswi va nga ta swi endla, kutani hiloko va endla nhlangano.

⁸² Kutani mi nge ndzi vulavula lahwani, vanghana va mina va Vakreste lavo rhandzeka, ha vumbirhi Protestant na Khatholiki. Kutani sweswi, ndzi fanele ndzi ri ni vanghana va Khatholiki va nga tshama lahwani; a ndzi vuli leswi hi xikongomelo xo mi khunguvanyisa. Hikuva, ntsena tshamani nyana timinetse tintsongo, kutani hi ta kuma Branham Tabernakele eka swona nakambe, wa vona, ntsena xinkadyana. Ntsena hi fanele ku chumayela Evhangeli tani hilaha Yi vekiweke kwalahawani. [Makwerhu Branham a gongondza eka phulphiti ka ntlhanu—Muhler.] A swi na mhaka leswaku kwihi... Yohana u teri, "Xihloka xi vekiwile erimintswini ra nsinya," tshikani ku petlula ku hahela laha va ku lavaka. Sweswo hi swona. U ta tsema minsinya na swin'wana.

⁸³ Kambe, langutani, kwalahaya va kondleterile kereke yo sungula. Va vile kun'we kutani va kondletela kereke yo sungula, leyi yi nga vitaniwa kereke ya misava, kumbe kereke ya Khatholiki eRhoma. Kutani Khatholiki yi vula leswaku hi yona "manana wa tikereke." Kutani walowo i ntiyiso. I mana wa minhlangano ya tikereke. Hakunene. I nkarhi wo sungula, eka matimu ya misava hinkwayo, leyi yi nga tshama yi va ni kereke leyi yi nga kondleteriwa; a yi tshamanga yi va kona, kusukela emasungulenya nkarhi.

⁸⁴ Emasikwini ya Israel, a vangari—a vangari nhlangano. A va ri va rixaka, ku nga ri nhlangano. Kutani va... Yesu Kreste a nga kalanga a kondletela kereke. Ku hava na un'we eka vaapostola a nga tshama a kondletela kereke. Kutani ku hava ni nkarhi kusukela kwale hansi, endzhaku ka rixaka ra vunharhu kumbe ra vumune endzhaku ka vona, laha va nga tshama va kondletela kereke. Ndzi mi lava mi tisa matimu niku vekela rintiho ra n'wina eka... Mi ndzi komba laha swi nga kona. Nakona ndzi hlayile Yosafat ni man'wana matimu lawa ya nga helelangiki lawa hi nga na wona emisaveni namuntlha, lawa ndzi ya tivaka, hikuva ndzi fanele ku va ni ntiyiso. Ndzi endla xitetimente lexi emahlweni ka magidi-gidi ya vanhu; mi fanele ku seketela niku khorwisa leswi mi vulavulaka ha swona. Sweswo hi swona. A ku kalanga kuva na nhlangano. Kutani ku hava...

⁸⁵ Kutani Mukwetsimi Petro a nga kalanga a sungula kereke ya Khatholiki. Ndzi lava matimu man'we, kumbe Matsalwa man'we ya swona. Mukwetsimi Petro a ri wanuna loyi a tekeke. Mi ri a ri phope. A nga ta swikota kuva phope. Petro a ri wanuna loyi a tekeke. Bibebe yi teri, "Manana wa nsati wa yena a ettele a ri karhi a vabya hi—hi vuvabyi byo rhurhumela, kutani Yesu u n'wi hanyisile." Kutani tani hilaha ndzi swi tivisaka xiswona, Mukwetsimi Petro a nga kalanga a va eRhoma. Nakona ku hava na matimu lawa ya nga tshama ya kombisa leswaku a ri eRhoma. Kutani xexo i xihoxo.

⁸⁶ Kambe va kondleterile niku tshamisa kereke kun'we leyi yi vuriwaka kereke ya misava hinkwayo. Kwalahaya va endlile xikhongelo xa misava hinkwayo. A vari ni ntwanano lowu hetisekeke; van'wana ni van'wana a fanele kuva kun'we, un'wana ni un'wana a vula nchumu wun'we. Xikhongelo xin'we xi vuriwile.

⁸⁷ Kutani va endlile nhulu ya Matsalwa, leyi va yi tekeke kusuka eBibeleni, hi vunyingi bya wona, va endla man'wana. Ku hava ndhawu leyi va nge hi le phagathari yi nga tshama yi vuriwa na kan'we eka Tibuku hinkwato leti kwetsimaka ta Bibebe; ku hava "ha ku losa Mariya," ku hava swo fana ni sweswo. Minkarhi hinkwayo Yi hambana na swona, ku lwisana na swona, kun'wana ni kun'wana eMatsalweni. A swi

kalanga swi va kona, na nkarhi na wun'we. Kutani loko mi swi kuma endhawini yin'wana, mi ni nkateko wo vuya mundzuku ni madyambu mi ta ndzi lulamisa. A swi kona lahaya, ku hava; tisani muprista wa n'wina kumbe mufundhisi. Ku hava ni ndhawu na yin'we, eMatsalweni, laha swi nga tshama swi vuriwa.

⁸⁸ Xibukwanyana xin'we ntsena, xa Maccabees, lexi xi nga engeteriwa eka Leswi, lexi xo ka xi nga hloholteriwangiki; swilo leswi swi nga nghenisiwa eka Leyi, kumbe leswi nga hungutiwa eka Leyi. Bibebe *leyi* hi yona yi ri Yoxe. Yi... Yi tekeriwile enhlokweni hi varhangeri lavo rhanga, kumbe van'wana va n'wamatimu va tikereke, kumbe nkarhi wun'wana wa Orthodox Jew, nakona a va kalanga va tekela swin'wana enhlokweni handle ka Bibebe ya leyi hi nga na yona namuntlha.

⁸⁹ Sweswi, manuku, eka sweswo, yingiselani hi vurhon'wana sweswi. Sweswi miehleketa leswaku Khatholiki yile ku huleni? Yimani nyana, wa vona.

⁹⁰ Sweswi, swingaleswi va kondleterile kereke ya Khatholiki, kutani va sungula ku xanisa, leswaku va nga ha... U fanele ku endla un'wana ni un'wana, kun'wana ni kun'wana, kereke ni mfumo, swi hlangana kun'we, kutani swi ta kusuka eka maendlelo ya va hedeni va Rhoma kuya eka vulawuri bya Rhoma. Hi marito man'wana, kusuka eka swiyilayilani swa va hedeni, va tekile Vukreste hi xivumbeko lexi xi nga xa vona. Wa vona? A va swi twisisi leswaku hikokwalaho ka yini munhu yaloye a nga yima a khongela leswi swi nga riki nchumu. A va ri va hedeni, swingaleswi ntsena va xikisile Venus va veka Mariya ehenhla; va xikisile Jupiter, va veka Petro ehenhla; maendlelo man'wana yo gandzela xifaniso. Sweswi, kutani va gandzerile ku nga se va na sweswo. Kutani va endlile xikhongelo xa misava hinkwayo, va xi vurile hi Xilatini leswaku xi nga tsandzeki, ni swin'wana, minkarhi hinkwayo va ha vula swo fana.

⁹¹ Kutani a mi nge swikoti ku kanelia kumbe ku phikizana ni muprista wa Khatholiki, kumbe kuri hava na Khatholiki, ehenhleni ka tshaku ra Bibebe.

⁹² Un'wana u tshamile, ehansi lahwani muprista loyi lontsongo, u tshamile endlwini ya mina sweswi. U teri, "N'wina Maprotestant, mi hlaya Bibebe mi tlhela mi tshama emakaya. Hina Makhatholiki hi ya ekerekeni hi ya gandzela."

Ndzi ku, "Kambe yini? Sweswo hi swona. Sweswi ndzi hlamuli sweswo." A ku, "Xikwembu xi le kerekeni ya Xona."

⁹³ Ndzi ku, "Yena... Ku hava na Tsalwa na rin'we ri swi vulaka sweswo." Ndzi ku, "Xikwembu xile Ritweni ra Xona. Xi teri, 'Mi nge rito rin'wana ni rin'wana ra munhu ri va vunwa, kutani ra Mina ri va ntiyiso.'"

⁹⁴ A ku, “Xana a miehleketi hi ntlawa hinkwawo wa vavanuna, wu hlanganyela kun’we, xana wu tava ni matimba yo tala kutlula ya munhu un’we ntsena xana?”

⁹⁵ Ndzi ku, “Ee. Loko munhu un’we a ri eka ku tirhandzela ka Xikwembu, u na Ntiyiso.” Minkarhi hinkwayo swa swi khorwisa.

⁹⁶ Tani hi Yosafat na Mikya, tidyondzo leti hi ngava na tona ntsena siku rin’wana, Sonto lowu wu hundzeke, loko Mikya a ya ehenhla lahaya. Kutani ni swichumayeri swa mune wa madzana swi yimeke, swi ku, “Famba ehenhla! Hosi yi na wena. Famba ehenhla! Hosi yi na wena.”

Yosafat u teri, “Ku hava un’wana lahawani xana?”

A ku, “Ku na Mikya, kambe na n’wi venga.”

A ku, “A hi tweneni leswi a swi vulaka.”

A ku, “Famba lahaya, kambe ndzi vona Israel ri hangalakile tani hi tinyimpfu.”

A ku, “Xana a ndzi ku byelanga xana?” Wa vona?

⁹⁷ Swingaleswi, i mani loyi a ri ni ntiyiso, kwalahaya? Loko mune wa madzana ya vaprofeta lava va leteriweke va yimile emahlweni ka vanhu, hambiswiritano muvumbuluki lontsongo wa khale wo hlakala a yimile endzhaku kwalahaya a ri ni ntiyiso. Sweswo hi swona. Walowo i ntiyiso. U swi endlile. A ri na ntiyiso. U biwile hi mulatheja enon’weni kutani a biwa, eka swona, kambe a ri na ntiyiso.

⁹⁸ Swingaleswi a swi na mhaka ni leswaku i vangani lava va vulaka *leswi*, kumbe i vangani va vulaka *sweswo*, hi leswi HOSI YI SWI VULAKA. Walowo i ntiyiso. U fanele ku tiseketela wena n’winyi, minkarhi yo tala, loko u yima eRitweni ra Xikwembu, kambe va na ni ntiyiso wo yima ni leswi Hosi yi swivulaka.

⁹⁹ Sweswi, va kondleterile kereke leyi, miri lowukulu, kereke ya Khatholiki, leyi yi rhangelaka vukhongeri hinkwabyo, namuntha, eka rifumu ra Vukreste, i Vukhatholiki. Kambe va ri, “A wu kali u lava... A hi kali hi...”

¹⁰⁰ Mi ri, “Xana u swi kuma kwihi leswaku ‘nyama a yi dyiwi?’ U swi kuma kwihi leswaku ‘muprista a nga teki?’ Xana mi swi kuma kwihi leswi?”

¹⁰¹ A ku, “A hi dyondzisi Bibebe.” [Makwerhu Branham a gongondza ephulphitini ko tala—Muhleri.] A ku, “Kereke i rito. A swi na mhaka ni leswaku Bibebe yi ri yini; hi leswi kereke yi swi vulaka.”

¹⁰² Kambe Xikwembu xi teri, “Rito rin’wana ni rin’wana ra munhu i vunwa, kutani ra Mina i ntiyiso.” [Makwerhu Branham a gongondza ephulphitini ka nharhu—Muhleri.] Sweswi mifanele ku ti tekela leswi mi swi hlawulaka.

¹⁰³ Sweswi, Vunikolayiti byebyo byi vile dyondzo, kutani byi va nxaniso. Sweswi, lahawani bya humelela lahawani emasikwini yo hetelela. Kutani lahaya ku ta xihlovo-mananga, eka tinguva ta munyama ni nxaniso; manuku lahaya ku humelela ku hingakanya, eka rhifomexini yo sungula, laha a kuri Martin Luther. Martin Luther u landzurile a lwisana na kereke ya Khatholiki, hikokwalaho ka kuva a humile kwalahaya a teka xilalelo . . .

Kutani va teri, "Lowu i miri wa Kreste."

¹⁰⁴ A ku, "A hi miri wa Kreste. I swi damarhetiwa. Sweswo hi swona hinkwaswo swi nga xiswona."

¹⁰⁵ Va pfumela leswaku i ku kwetsima ka eucharist, laha, "*Ku kwetsima ka eucharist* swi vulaka 'Moya lowo Kwetsima.'

Kutani loko u teka sweswo, u tekela Moya lowo Kwetsima emirini wa wena." Nakona sweswo swi hoxekile.

Moya lowo Kwetsima i nkhuvelo wa Moya.

¹⁰⁶ Ku nga ri, "Loko Siku ra Pentekosta ri tava ri tile hi ku hetiseka, muprista a ta a ta va nyika ku kwetsima ka eucharist, ku damarheta eririmini ra vona." Kumbe swi nga ri tano, "Muchumayeri un'wana a ta a ta va haxa hi mati, a tlhavula ni mavoko ya vona," kumbexana. Ee, nkulukumba.

¹⁰⁷ "Kambe lahaya ku ta mpfumawulo wu huma etilweni tani hi xihuhi, lowu wu tateke yindlu hinkwayo laha a va tshamile kona." Yalawa i Matsalwa. Sweswo hi leswi swi nga xiswona. Sweswo hi leswi swi humelelaka loko Rivoni ri voninga esikwini leri. Kwalahaya hi laha Rivoni ri nga tshova kwalahaya; kutani lahawani hilaha Rivoni ri nga tshovelela lahawani.

¹⁰⁸ Sweswi loko ku ri ni Matsalwa man'wana, ndzi matshahaka, ma nga vutisiwa, ntsena mavekeni ehenhleni ka . . . Ndzi ta mi nyika ndhawu laha ma nga kona, wa vona, eMatsalweni. Swikahle. Hikuva, ntsena eka xinkadyana xintsongo xo tani hi lexi . . . Hi ntolovelu, loko hi kama eka Wona, hi teka mavhiki ni tin'hwti. Ntsena eka Matsalwa man'wana ni man'wana, kuma hlaya, hi va hi ri ni vanhu lava va nga ni Tibibele ta vona. Kambe, loko Ya vutisiwile, ntsena ndzi pfumeleleni ndzi switiva. Swikahle.

¹⁰⁹ Manuku, Martin Luther. Manuku, endzhaku ka Martin Luther, ku ta John Wesley.

¹¹⁰ Martin Luther u tile ni swileriso swa vanhu, swilo hinkwaswo ka swona. U tile ni nkhuvelo, u tile niku nyika vunharhu, nkhuvelo wa vunharhu lowu nga dyondzisiwangiki hambi kuri ku dyondzisiwa eBibeleni, a wu kalanga wu dyondzisiwa eBibeleni. A ku va nga ni munhu loyi a nga tshama a khuvula hi nkhuvelo wa swinharhu, eBibeleni. Loko swi ri tano, tanani mi ta ndzi komba laha swi nga kona. A swi kona lahaya.

¹¹¹ Ndlela yin'we ntsena leyi va nga lerisiwa ku khuvula ha yona, a kuri leswaku, "Fambani mi ya dyondzisa matiko hinkwawo," U swi vurile endzhaku lahaya, "kutani mi va khuvula hi Vito," ku nga ri evitweni, "hi Vito; Tatana, N'wana, Moya lowo Kwetsima." Kutani vadyondzisiwa va hundzulukile va khuvula un'wana ni un'wana hi Vito ra "Yesu Kreste," kutani, va lerisiwile leswaku loko kuri ni loyi a nga khuvuriwa hi ndlela yin'wana, a va fanele va vuya nakambe va ta tlhela va khuvuriwa nakambe va nge se amukela Moya lowo Kwetsima. Kutani lahawani ku humeleta kereke ya Khatholiki yi huma eka...

¹¹² Yi veka ndhawu yin'we eBibeleni laha munhu un'wana ni un'wana a nga khuvuriwa hi vito ra "Tatana, N'wana, Moya lowo Kwetsima." Sweswo i ku saseka loku ku ngariki na nchumu, a hi swona xana? Hi madyambu ya Muqhivela kutava ku ri madyambu ya swivutiso, ndzi ta swikuma, hi ta switiyisisa sweswo. Swikahle. Swikahle. Ndzi lava un'wana ni un'wana loyi a nga ndzi kombaka ndhawu yin'we ntsena laha munhu u n'wana a nga tshama a khuvuriwa hi vito ra "Tatana, N'wana, Moya lowo Kwetsima," ndzi ta nyiza ephulphitini nakona ndzi tivula mutikukumuxi. Loko kuri ni loyi a nga khuvuriwa hi ndlela yin'wana, u fanele ku vuya a ta tlhela a khuvuriwa nakambe hi Vito ra "Yesu Kreste," a ta amukela Moya lowo Kwetsima. Sweswo hi swona. Sweswo hi leswi Bibele yi nga swivula.

¹¹³ Sweswi, maswivona, hi teka miehleketo ematshan'wini ya Ntiyiso. Sweswi langutani eka Matsalwa. Mi nga ku, leswaku, "Kunene, Makwerhu Branham u teri." N'wina langutani eMatsalweni sweswi. Tikumeleni buku ya khonkhodense mi yi languta. Kutani tani hiloko...

¹¹⁴ Maswixiyisisa, yin'wana ni yin'wana ya tinguva ta tikereke ta vona a ti ri ni Vito ra Yena, ku kondza ku fika eka nguva leyi ya kereke ya munyama.

¹¹⁵ Kutani, langutani, ku tsala kwaloko endzhaku eka—eka kereke ya Orthodox. Loko nguva ya xinyami ya haya emahlweni, ya Vayuda, a kuri loko Akab, eka nhluvuko endzhaku—endzhaku ka hosi leyikulu ku nga siva na yena; kutani ku nga seva ni sweswo, Israel hinkwaro ari ri eka xiyimo xo saseka. Kutani Akab u nghenile tani hi mupfumeri wa ndzelekanu, xiyimo xo kufumela, kutani a ya emahlweni a ya teka hosikazi nyana, Yezebel, laha a kuri mugandzeri wa swifaniso, kutani a n'wi nghenisa, kutani a nghenisa ku gandzela ka swifaniso eIsrael. Xana a mi swi tsundzuki sweswo xana? Maendlelo man'wana yo saseka ngopfu.

¹¹⁶ Loko Vuprotestati byi tekana na Xirhoma, byi tisile ku gandzela swifaniso nakambe eka Vukreste, eka nguva ya munyama; hakunene—hakunene-nene, hi ntivo-mbango.

¹¹⁷ Sweswi langutani loko swi ta eka tlheloi leri. Lahawani mi na yini? Ku ncinciwa ka Moya lowo Kwetsima; ku damarheta. Ku ncinciwa ka nkhuvulo wa mati hi Vito ra Yesu Kreste; Tatana, N'wana, Moya lowo Kwetsima. Va ncincisile hinkwaswo. Ndzi nga ha swi teka ndzi swi khorwisa hi Matsalwa; ku ncincisiwa endzhaku ka ku ncincisiwa.

¹¹⁸ Kutani Martin Luther u yime na swona. John Wesley a ta ni swo fana, kutani a yima na swona. Ku hava na un'we, eBibeleni, a nga tshama a haxiwa kunene hi mati. A ku kalanga kuva na swo fana ni sweswo. Ku hava swo fana ni sweswo eBibeleni, a kuri hava kulerisiwa kumbe xileriso xa swona eka hinkwaswo, kambe mi swi pfumelerile. Sweswo hi swona. Ma swi pfumelela. Va tile va ta kuma xi xuvi lexi xa munyu kutani va mi xuva hi xona. Hikokwalaho ka yini? Kereke ya Khatholiki hi yona yi nga swi sungula, kutani ma swi khinsamela. Hi swona.

¹¹⁹ Nakulorhi u teri, siku rin'wana, a ku, "A wu mu... Wena, ntsena a wu Mukhatholiki. U..."

¹²⁰ Ndzi ku, "Ee, makwerhu. Ndzi Muprostestati. Ndzi Alana na nchumu." Sweswo hi swona. Tani hi muministara wa Evhangeli, ni vana va Xikwembu tani hi vakamberiwa va mina lahawani, va Tilo, kutani ndzi ta va chumayeleta niku tshama emahlweni ka vona tani hi mudyondzisi ni masingita ni mahlorhi, ndzi tava ndzi ri mutikukumuxi loko ndzi nga swi yimeli leswi swi nga ntiyiso. Ndzi ku, "Ina, nkulukumba. Ndzi ta yima, loko swi ndzi dlaya. Ndzi ya kona. Ndzi—ndzi ta dyondzisa ntsena leswi swi nga eBibeleni."

¹²¹ Kutani ndza swi tsakela, nkarhi wun'wana ni wun'wana, ku kanelia hi Yona na un'wana, wa vona; a nga va a ri phope wa Rhoma, kumbe bishopo-nkulu, hambi ku nga va mani. Wa vona? Ina, nkulukumba. Sweswo hi swona. Loko ndzi hoxile, tana u ta ndzi komba. Sweswi, a ndzi hoxanga, hikuva ndzi tshaha Matsalwa. N'wina... a ndzi nge yi teki buku ya n'wina ya xipele. Leyi hi yona Buku ya xipele, leyi nga lahwani. [Makwerhu Branham a gongondza ka mune—Muhleri.]

¹²² Sweswi, manuku, miswixiyisisa, va sungurile ku ta ni hinkwawo maendlelo lawa.

Sweswi, emasikwini yo hetelela, ku tava ni nxaniseko.

¹²³ Sweswi hi, kwalomu ka, sweswi Nhlavutelo ndzimana ya vu13, hi sungula hi yona. Sweswi loko mi nga swi xiyisisa, kuya ehansi eka ndzimana lahwani, yi teri, "Ndzi langutile, kutani hosi, Xinyimpfana xi yimile entshaveni ya Sinayi..." Ee, ndzi khomeleni, ndzile ka vhese leyi nga riki yona, ndzimana leyi nga riki yona, ya vu14. Ndzimana ya vu13:

...Kutani ndzi yima esaveni ra lwandle, kutani
ndzi vona xivandza lexi humaka lwandle, xi ri

ni timhondzo ta khume ni tinhloko ta ntlhanu na timbirhi, etimhondzweni ta xona xi rhwele tihari ta khume, etinhlokweni ta—ta xona ku tsariwile mavito ya swisandzu.

¹²⁴ Xana i yini *swisandzu*? I ku “hlekula swin’wana, ku sola, ku vulavula ha swona.” Sweswi langutani, a ri ni “tinhloko ta nkombo, timhondzo ta nkombo.” Kutani langutani loko a “huma elwandle.” Sweswi Nhlavutelo 17, n’wina lava mi nga eku tsaleni, 17:15, u teri ma—ma *mati* ma yimele “swivongo ni vunyingi bya vanhu.” Swingaleswi *xivandzana* lexi xi yimele “matimba, matimba lawa ya nga riki ya vukwembu.” “Xivandzana xo dya nyama xi huma exikarhini ka vanhu, kutani u yimile ehenhla ka sava ra lwandle. Kutani ndzi vona xivandzana . . .”

Xivandza lexi ndzi xi voneke a xi fana ni . . . yingwe, . . . milenge ya xona yi fana ni milenge ya bere, . . . nomu wa xona . . . ni nomu wa nghala: kutani dragon yi xi nyika matimba ya yona, ni . . . xiluvelo, ni vuhozi lebyikulu.

¹²⁵ “Dragon!” Hi na swilo swimbirhi leswi hi swi tekelaka enhlokweni sweswi. Langutani xivandzana lexi. Xi na swivumbeko swa mune swo hambana eka xona.

¹²⁶ Kutani loko mi nga teka Daniel 7, n’wina lava mi nga eku tsaleni, Daniel 7. Daniel u vonile xivono xo fana, nhungu wa madzana ya malembe swi nga seva kona leswi, u vonile xivono. U swi vonile swivandzana leswi, swi ti ava, xin’wana xi suka eka xin’wana, emasunguleni ya ku fumiwa ka Vamatiko.

¹²⁷ Kutani hi leswi lahawani, Yohana wa swivona, kutani emakun’wini ya ku fumiwa ka Vamatiko, hinkwaswo swivandzana leswi swa mune swi yimeriwile hi xin’we. Vajavuloso wa vona wa khale, mademona lawa ya nga nghenisa mfumo wun’wana ni wun’wana wa Varhoma, ku ya ehansi, na Vagriki, ni kuya emahlweni, kuya ehansi eka ku hangalaka ka Vamatiko, ku vuyile ku ta hlengleletana eka xivandzana xi ri xin’we. Hi ta n’wi kuma, hi ku kongoma, kutani hi n’wi vona leswaku hi yena mani. Hi swona. Hinkwaswo leswi, yingwe, nghala, hinkwaswo leswi, i dragon. Xana i vangani lava va switivaka leswaku dragon i yini? *Dragon* yi yimele “Rhoma.” Ina.

¹²⁸ A hi—a hi swi hlayeni sweswo. Walowo, walowo i muxaka wa swivutiso leswi swi nga emiehlekweni ya n’wina. Ndzi nyiki Nhlavutelo ndzimana ya vu12, ntsena xinkadyana lahawani. A hi languteni lahawani, Nhlavutelo 12. Sweswi langutani.

Kutani ku humelela singita etilweni; i wansati . . .

¹²⁹ Xana *wansati* u yimele yini? “Kereke.” Loyi hi yena—loyi hi yena mutekiwa lahawani. Leyi hi yona kereke, kereke ya ntiiyiso.

...i wansati la ambeleke dyambu, n'weti wuri ehansi ka milenge ya yena, ...

¹³⁰ Langutani, n'weti ehansi ka . . . “Dyambu enhlokweni ya yena, n'weti ehansi ka milenge ya yena.” *Dyambu* a kuri “ku hangalaka ka tintswalo.” Kutani *n'weti* a kuri “ku hangalaka ka nawu.” *Wansati* a kuri kereke ya Orthodox,” kutani a yimile ehenhla ka nawu. Nawu a wuri karhi wu hundza, hikuva nawu a kuri ku kombisiwa ka leswi swi taka swa kahle. A hi swona xana? N'weti ntseña kova ku kombisa, ka minseve ya dyambu leyi yi tlhavaka en'wetini (a hi swona xana?), ku endla *n'weti*. Kutani nawu a wuri ehansi ka milenge ya yena; a hanyile hi siku lero. Kutani xiyisisani leswi a nga ambarisa xiswona lahawani sweswi.

...kutani ehansi ka milenge ya yena, kutani a rhwele enhlokweni harhi ya tinyeleti ta khume na timbirhi: (Kereke yi ambarile harhi ya Dyondzo ya vadyondzisiwa va khume na va mbirhi, wa vona.)

A tikile kutani a huwelela, a ri karhi a twa ku vaviseka, . . . niku lumiwa eku velekeni ka yena. (Kwalaho a kuri kereke ya Orthodox. Langutani.)

Kambe—kambe ku humelela singita rin'wana etilweni; i dragon leyikulu leyo tshwuka, yi nga ni tinhloko ta ntlanu na timbirhi, . . . (wa vona, hlayisa sweswo swa nkombo emiehlekeweni sweswi, “tinhloko ta nkombo,” minkarhi hinkwayo) . . . tinhloko ta ntlanu na timbirhi . . . timhondzo ta khume, etinhlokweni ta tona a kuri ni tihari ta ntlanu na timbirhi.

Sweswi, ncila wa yona a wu koka ku avanyisa ka vunharhu ka tinyeleti tale tilweni, kutani yi ti hoxa misaveni: kava loko dragon yi yima eMahlweni ka wansati loyi a lavaka ku veleka, leswaku yi ta dya n'wana wa yena loko a velekile. (Langutani!)

Kutani a veleka n'wana wa wanuna, loyi a nga ta fuma hinkwako hi nhonga ya nsimbhi: kambe n'wana wa yena a tekeriwa ka Xikwembu, ni ka xiluvelo xa xona.

¹³¹ Kereke ya Orthodox yi yimile lahaya; dyambu ri tlhavile ehansi; Dyondzo ya vaapostola va khume mbirhi. Swikahle. Na n'weti ehansi ka milenge ya yena, ku nga nawu, ku kombisiwa ka swilo leswi swi nga ta ta; Rivoni ra Evhangeli rivoningile sweswi, nawu wu nyamalarile loko Dyambu ri huma.

¹³² “Wa lumiwa eku velekeni ka yena, kutani u tswarile N'wana wa Xinuna,” laha ku nga Kreste Yesu, “kutani U tekeriwile ehenhla ka Xikwembu. Kambe tani hiloko . . .” Hi leswi lahawani. “Tani hiloko dragon, laha ku nga Javulosi,

a vonile wansati loyi a nga ekusuhi niku veleka, u yimile emahlweni ka yena ku dya N'wana wa Xona loko a tava a N'wi velekile."

¹³³ Kutani loko Yesu a tava a velekiwile, Mfumo wa Rhoma wu humesile nawu, wo dlaya vana hinkwavo lava va nga ni malembe yo sukela eka mambirhi hi vukhale, kuya ehansi, leswaku Kreste Yesu a kumeka a dlaiyiwa. Kutani Xikwembu xi funengetile mahlo ya yena hi wulu, kutani xi N'wi yisa eEgipta kuya N'wi tumbeta, tani hilaha Xi swi endleke eka Muxe hi ndlela yo fana.

¹³⁴ Hi yona dragon yaleyo yo tshwuka, Javulosi. Hi kwih laha xiluvelo xa yena xi nga kona? E...A hi le Russia; eRhoma! Kutani a ku, "Javulosi u n'wi nyika xiluvelo xa yena ni vuhozi bya yena, dragon yo tshwuka," ku nga ri Russia.

¹³⁵ Ndzi twile vaministara lavakulu va ku, "Russia i antikreste."

¹³⁶ Hikokwalaho ka yini, Russian ku hava lexi ri nga xi endlaka hi antikreste. Sweswo i vukhomonisi. Vunwa bya Vuprotestant na Xirhoma byi tswarile vukhomonisi. Xivangelo xa kuva Russia ri va humesile lahaya, hikuva a vari na mali hinkwavo. Kutani hinkwavo a vari na swikhongelo leswi vuriweke leswaku i swa vakwetsimi va vona, swingaleswi va akile miako leyikulu swinene, nakona hinkwavo a vari na rifumo ra vanhu, kutani va ri boha ri va nyandza tani hi sweswo. Kutani va swi vonile leswaku a va hanyanga ku hambana, kutani a ku ngari niku hambana eka vunyingi hinkwabyo bya misava, va swi humesile va vumba vukhomonisi.

¹³⁷ Sweswi loko mi nga ndzi nyika madyambu man'wana, loko Xikwembu xi swi lava, ndzi nga mi kombisisa leswaku vukhomonisi byi tirha emavokweni ya Xikwembu xa Matimba hinkwawo, ku hlasela Rhoma loko yi hlu...Kutani, tsundzukani, ndzi vula leswi tani hi muprefeta wa Xikwembu, mfumo wa Russia wu ta hoxa bomo ya athomiki hi ndlela yin'wana eDorobeni ra Vatican kutani yi ri hlasela hi awara yin'we ntsena. HI LESWI HOSI YI SWI VULAKA. Kutani Bibele yi teri Xikwembu xi tekile timbilu ta vavanuna va ti hanyi xi tiveka emavokweni ya Xona, kutani a va ri switirhi emavokweni ya Xona, "ku hetisisa ku rhandza ka Xona," niku tlherisela eka yena hakunene leswi a swi ta eka yena. Sweswo hi swona. Lero hi rona Rito.

¹³⁸ Makwerhu, ntsena a wu swi tekeli enhlokweni leswaku swi ni vuxisi njhani swilo leswi! Tsundzukani, Yesu Kreste u teri leswaku antikreste u tava ekusuhi swinene kufikela laha a nga ta hambukisa na vona vahlawuriwa. A ku, "Sweswi mi nga pfumeleli munhu un'wana na un'wana a mi chavisa." A ku, "Mi nga fani ni va hedeni, va vuyelerisaka swikhongelo swa vona, 'Ha ku losa Maria, u katekile, u talele hi tintswalo,

kutani ku katekile . . .” A ku, “Mi nga fani ni vahedeni, va vuyelerisaka swa hava.” A ku, “Kutani mi nga vuli na un’we ‘tatana,’ eka misava leyi, hambi, kumbe . . . tani hilaha Tatana wa n’wina a nga un’we, kutani yaloye u le Matilweni.”

¹³⁹ Kambe ma hundzuluka, mi swifularhela sweswo, ma swi endla hi ndlela yin’wana, hikuva swidumile. Javulosi minkarhi hinkwayo u na swilo swo duma. Minkarhi hinkwayo swi tano, kusukela emasunguleni, “nghohe ya vukhongeri.” Kayini a ri na swo fana. Lahawani hi lowu moya wa yena wu hahaka kwalahawani, hi antikreste; kutani lahawani ku ta Abel, un’wana loyi a dlayiweke, na yena. Sweswo hi swona. Xiyisisani, kutani sweswi langutani.

¹⁴⁰ Hinkwaswo swivandzana leswi, endzhaku lahaya, hinkwaswo a swi ri ni mbanga eka xivandzana xi ri xin’we lahawani, lexi xi nga vitanawa “dragon yo tshwuka,” ku nga Javulosi.

Sweswi a hi kumeni vhese ya vu15 ya ndzimana ya vu13.

¹⁴¹ Maswivona sweswi leswaku *Rhoma* i–i “xiluvelo xa Sathani.” Xivandzana xa tinhloko ta nkombo ni timhondzo ta khume xi nga yima emahlweni ka N’wana, Kreste N’wana, ku ta N’wi dya ntsena tani hiloko A ha ku velekiwa. I mani a nga swi endla xana? Heroda, Rhoma; swi tano minkarhi hinkwayo. Hi ta nghena eka Daniel, hi ku kongoma, loko hi ri ni nkarhi wo ringanelia, kutani Hosi a yi hi pfuni, kutani hi ta swi vona.

¹⁴² Tani hinkwako eMatsalweni, kusukela emasunguleni ya Vamatiko, kusukela endzhaku eka Genesa, ndzi nga ha swikhoriwsa leswaku Babilona yaleyo yi sungurile eka Genesa yi ta hetelela eka Nhlavutelo. Yi sungule endzhaku hi Nimrod, jaha ra Ham, hi ku gandzela swifaniso, ku nghenisa swifaniso, ku gandzela swifaniso. Kutani hiloko swi ta, kutani, swi va ni vuxisi emasikwini ya makumu ku kondza swi teka na vito ra Vakreste, kutani, hambiswiritano, i ku gandzela swifaniso!

¹⁴³ Xana Mukwetsimi lonkulu Paul, eka Vatesalonika va Vumbirhi, a ku? Ntsena a hi yi hlayeni, hi nga se ya kun’wana. Vatesalonika va Vumbirhi, ndzimana ya vumbirhi, hi vona leswi Paul a swi vuleke lahawani. U swi vonile nikupi swi vona eMoyeni, swi nga se fika hambi kuri ku fika eka siku leri hi hanyaka eka rona.

¹⁴⁴ Kunene, mina, hilaha siku leri hi hanyaka eka rona ri nga xiswona, munyama lowu hi hanyaka eka wona, kutani vavanuna ni vavasati va ti ntlawahata lahawani eka munyama wa pagan kutani a va switivi hambi kuri ku swi tiva. Swi na—swi na vusiwana njhani! Hilaha siku leri ri nga . . .

¹⁴⁵ Paul u teri, “Siku lero ri ngaka ri nga ti, handle kaloko kusungula kuva nikupi wa kusungula, kutani ku hlavuteriwa ni munhu wa vudyoho.” Sweswi langutani, u n’wi hlambanya

leswaku i munhu. A hi swona xana? [Nhlengeletano yi ku, “Amen.”—Muhleri.] Paul u teri, “A ri munhu wa vudyoho, loyi a ti kanetaka yena hi yexe ehenhleni ka leswi swi tivitanaka Xikwembu, swingaleswi yena loyi a gandzeriwaka tani hi Xikwembu.” Munhu, a gandzeriwa tani hi Xikwembu; munhu loyi a nga vekiwaka lahawani tani hi xivumbeko xo gandzela. Kutani a ku, “Siku lero ri ngaka ri nga ti handle kaloko lahaya ku ta ku wa kusungula.” Xana i yini? Xiyimo xo kufumela xa kereke. Hi swona.

¹⁴⁶ Yingiselani. Mi nge ndzi mi hlayela yona, loko mi swi tsakela, Vatesalonika va Vumbirhi. Hi yona. Ndzi nga ha kuma ndhawu ya kahle sweswi, ku sungula hi yona, swingaleswi a hi nge yi hlayi ngopfu. “Mi nga xisiwi hi munhu,” vheze ya vu³, Vatesalonika va Vumbirhi, ndzimana ya vu².

Mi nga tshuki mi xisiwa ni swintsongo hi munhu: hikuva siku lero ri ngaka ri nga ti, hikuva swi fanele ku tlhelela endzhaku kuva kona eku sunguleni, (Nguba ya Kereke ya Laodikiya sweswi)...ni munhu yaloye, (m-u-n-h-u, eka vun’we)...ku humelela ka munhu wa swidyoho, n’wana wa ku lahleka; (ematshan’wini, ematshan’wini ya N’wana wa Xikwembu), n’wana wa ku lahleka;

La kanetaka (yena hi yexe) ni la titlakuselaka ehenhla ka hinkwaswo leswi vuriwaka Xikwembu, swingaleswi u gandzeriwa tani hi Xikwembu; a ko a tshamisa kukota Xikwembu etempeleni ya Xikwembu, a ri kari a tivula Xikwembu. (A ri karhi a amukela loko va tivula!)

¹⁴⁷ U nga ndzi byeli i ku, munghana wa mina wa Khatholiki! [Makwerhu Branham a gongondza ephulphitini ka mune—Muhleri.] U vula njhani loko u ku “a wu pfumeli eka yona kambe eka ku tekana kun’we; kereke ya Khatholiki yi vulavula hi ku teka kun’we.” Loko u ri hava mali, sweswo swi lulamile hinkwaswo. Kambe mi nge ndzi mi byela, kona kwalahawani eka vanhu lava va nga va mina; wansati lontsongo a nga tshama lahawani, manana loyi a tshameke lahawani, na papa wa yena, na yena; na wansati un’wana lahawani ni xifanyetana lexi. Nhwanyana u tekanile na jaha ra Muprotestant; va hambanile kutani va ya ehandle. Swingaleswi, xo sungula mi xi tivaka, nhwanyana u ya tekana na jaha ra Khatholiki; kutani u fanele a ya ehandle ku ya hakela mali yo tala, a tlhela a vuya, kutani, “A nga kalanga a tekana ni jaha leri ra Muprotestant, xo sungula.” Lahawani hi loyi Howard, vanhu lava va nga va mina...

¹⁴⁸ Kunene, kona kwalahawani...a ndzi nge vuli vito. U na—u na nhwanyana, kutani nhwanyana loyi u na kwalomu ka makume mbirhi-ntsevu wa malembe hi vukhale. Nuna wa

yena, u n'wi siyile eMilltown, kutani a tsustsuma a ya tekana ni wanuna wa Mukhatholiki. Kutani sweswi va ri, "U fanele ku huma ekerekeni." Swingaleswi va hakerile mali yo tala, ku tlhela va "n'wi ncinka leswaku a tlhela a va wanhwana loyi a nga tiviki wanuna," kutani va tlhela va n'wi tekanisa ni wanuna loyi. Ku hundzuluxa! Va n'wi ncinka va n'wi tlherisela eka wanhwana loyi a nga tiviki wanuna? U tekiwile, emahlweni ka Xikwembu, kutani a hanya evuoswini. Sweswo hi swona leswi swi nga xiswona. Sweswo hi LESWI HOSI YI SWI VULAKA, ngopfu. I ntiyiso.

¹⁴⁹ Swi khomisa njhani tingana! "Ku hakela mali yo tala." Xexo hi xona xivangelo xa kuva ku akiwile tikereke letikulu ni swikolo. Sweswo swi tano. Misava hinkwayo... A mi switivi, lahawani eUnited States. Mi fanele ku ndzi landzelela ematikweni ya le handle, kan'we, kutani mi ta swi kumisisa. Ina, nkulukumba. U ya kwalahaya, makwerhu, laha va nga ni voko rale henhla.

¹⁵⁰ Ndzi nga ha mi tisela xifaniso, xa mampela, lexi ntsena Makwerhu Kopp a nga xi teka, a nga ndzi rhumela xona, xa muchumayeri wa Protestant, xi chumayeri xa Moya lowo Kwetsima, xipavalarile exitarateni, xi tikukumuxa ku saseka kuya ehenhla *kwaloko*, yena na nsati wa yena, na xinhwenyetana, va ti kukumuxa hi ndlela yaley; hikokwalaho va chumayeleke hi Yesu Kreste, matimba ya ku pfuka, kutani vanhu va nga ha ponisiwa niku amukela Moya lowo Kwetsima. Va vadlayele exitarateni, kutani a va va pfumelelanga leswaku va lahliwa, va tlhela va va tshwutela hi marhi, hi masiku ni masiku. Sweswo hi swona.

¹⁵¹ Kwalahaya Makwerhu Osborn a fanele a khomiwile kona, ehansi ka swibamu, ku va humesela ehandle. Va yile ehansi kwalahaya, kutani un'wana...ntlawa wa vaprista wu tile xikan'we wu fika wu dlaya wanuna loyi lontsongo. Kutani nsati ntsena a ri ni n'wana. Kutani va fambile hi xitarata hi ndlela yaley, va ri ni-ni-ni ku n'wi heleketa esirheni, ku ya n'wi veka. Kutani manana loyi a ri eku fambeni, ni n'wana, a ri karhi a rila, etlhelo ka nuna wa yena loyi a loveke. Kutani vanhu va languta hi mafestere, vanhu va timbilu leti tshembhekeke, va ku, "Loko sweswo kuri hi ndlela leyi kereke ya Khatholiki yi titwisaka xiswona, ha yi tshika." Kutani va landzeleriwa, hi magidi, exitarateni. Makwerhu Osborn a ri ni mpfuxelelo kwalahaya, ku kondza va tsandzeka ku n'wi hlongola etikweni. A kuri ni vanhu vo tala. Sweswo hi swona.

¹⁵² Oho, mutikukumuxi yaloye! Ndza swi tiva leswaku i xifaniso lexi nga riki kahle. Ntsena tshamisekani, vanghana va Khatholiki, hi ta kumeka hi ri karhi hi chukucha eka tlhelo lerin'wana, hi timinetse leti ntsongo. Swi lulamile. Xiyisisani.

¹⁵³ Sweswi hi ta ta ehansi, xiysisani, swintsongo nyana. Mi nge ndzi mi kumela leswi. Kumbexana ndzi nga hava na nkarhi, ndza ha ri na timinetse ta makume nharhu. Langutani swinene. Sweswi a hi tlheleleni endzhaku, muhlayi un'wana na un'wana, ntsena emiehlekeweni ya n'wina, ntsena xinkadyana, exifanisweni xa miehleketo. Loko . . .

¹⁵⁴ Un'wana na un'wana wa mupfumeri wa Orthodox loyi a nga lahawani wa switiva leswaku ku fuma ka Vamatiko kusungurile hi Hosi Nebukadnezar. A hi swona xana? [Nhlengeletano yi ku, “Amen.”—Muhleri.] Mupfumeri un'wana na un'wana wa Orthodox wa swi tiva sweswo. Kutani Hosi Nebukadnezar a ri na xivono, kutani Daniel u n'wi byerile nhlamuselo ya xona. A hi swona xana? [“Amen.”] Kutani a kuri nhloko ya nsuku, laha akuri Babilona; xa vumbirhi a kuri va Meda na va Persia; lexi landzelaka a kuri mfumo wa va Grecia; kutani ku ta Mfumo wa Rhoma. Kutani emakun'wini ya Mfumo wa Rhoma, Yesu Kreste a ri Ribye leri ri nga handziwa entshaveni, ku nga ri hi mavoko, leri ri nga vumbuluka ri ya faya xifaniso (a hi swona xana?), kutani ri funengeta misava. [“Amen.”] Un'wana na un'wana wa switiva sweswo. Mupfumeri un'wana na unwana wa swi tiva sweswo.

¹⁵⁵ Ni leswi, emasikwini ya makumu, loko va ta fayetela mimfumo leyi yo tala yo hambana, nikuya emahlweni, ku fika eswikunwanini, a kuri na nsimbhi na vumba. Kutani swivula leswaku, muprofeta u teri, “Tani hilaha mi nga yi vonaka nsimbhi ni vumba swi ngaka swi nga hlangani, kumbe swi nga damarhelana.” Kambe va ta hlanganisa timbewu ta vona, ku ringeta . . . Hi marito man'wana, va ta tekana na vona, va ringeta ku kurisa vana va vona niku tshova, matimba, tani hi sweswo. Kutani maswitiva sweswo leswaku i ntiyiso. Kambe, swa damarhela, swona, kutani n'wina vanhu ndzin'wana ma swi korhamela, “Oho,” mi ku, “swikahle.”

¹⁵⁶ Langutani eka Stevenson loyi, loko ri ngava ri ri vito ra yena, lahawani. Sweswi . . . yena ehenhla lahawani. Xana vito ra yena i mani? Ntsena ni rivarile . . . Munhu loyi a nga ehenhla lahawani, loyi a baka huwa ngopfu lahawani. [Nhlengeletano yi vula vito—Muhleri.] Ina. Oho, mina!

¹⁵⁷ United States leri ri bole kuya fika kwale ndzeni. Ina, nkulukumba. Ndzi nga ha mi kombisia swona hi nkarhi lowu . . . Wansati loyi lahawani, endzhaku eka Nhlavutelo 12, loko . . . N'wana wa Yena wa xinuna a tekeriwile empfhukeni eXiluvelweni xa Xikwembu, kutani, loko swa ha endlekile, wansati u haherile emananga, laha a nga hlayisiwa gidi ni madzana mambirhi ni masiku manharhu kambirhi, ku fikelela hakunene siku ra Plymouth Rock, hakunene, laha kereke yi fikaka emakun'wini lahawani ya ntshunxeko wa vukhongeri, kutani u sungurile kwalahawani.

¹⁵⁸ Kutani hi ta hlaya kuya ehansi eka ndzimana ya vu13 ya Nhlavutelo lahawani, kutani hi languta lahawani eka vhese ya vu15. Kutani, sweswi, ntsena xinkadyana, ndzi lava ku tlhelela endzhaku hi nga se fika eka sweswo, kutani hi vona lahawani laha A yimile kwalahawani etlhelo ka lwandle. Sweswi loko ntsena ni nga kuma ndhawu, laha, vhese ya vu11.

Kutani ndzi vona xivandza xin'wana lexi tlhandlukaka xi huma emisaveni; (xi nga humi—humi ematini)...

¹⁵⁹ “Lexi humaka emisaveni.” Manuku, vunyingi ni swivongo swa vanhu i mati, swingaleswi lahawani hilaha ku nga riki na vanhu, United States.

...a xi ri ni timhondzo timbirhi leti fanaka ni ta xinyimpfana,...

¹⁶⁰ “Timhondzo timbirhi to fana ni xinyimpfana,” ku nga ri xinyimpfana. Xana i yini? I nyarhi ya hina ya Amerika. Hakunene. Wa vona, lahaya hi yena, “timhondzo timbirhi to fana ni xinyimpfana.” Kambe u endla yini xana? U na ntshunxeko wa vukhongeri, xosungula; u vile ni maendlelo yo kotisa xinyimpfana, u vulavurile ku kotisa xinyimpfana. Kambe, tsundzukani, a nga kalanga a va nyimpfu ya khale ya xinuna. A ri xinyimpfana. Tiko leri ntsena ri na dzana ni makume ntlhanu wa malembe hi vukhale, maswitiva, ntsena xinyimpfana.

...kutani xi vulavula kukotisa dragona.

Xi tirha hi matimba hinkwawo ya xivandza xo sungula emahlweni ka xona, (dragon yo tshwuka), kutani xi endla leswaku misava, swin'we ni lava akeke ka yona, va gandzela...xivandza, lexi ngi xi ri ni mbanga ya rifu leyi nga hola. (Langutani!)

Kutani—kutani xi endla ni masingita lamakulu, hambi kuri ku xikisa ndzilo wa le tilweni... (Bomo ya athomiki, na hayidrogene; mafundha, tiko ro tlhariha, nikuya emahlweni, ku hambukisa matiko ha swilo leswi.)

¹⁶¹ United States leri ku ta ta nkarhi laha kereke ni mfumu swi nga ta hlangana kun'we. Kutani Protestant na Khatholiki ti ta hoxa swilo kun'we, ku lwisana na vukhomonisi. Kutani hakunene swi huhwa emavokweni ya leswi Xikwembu xi swi vuleke kona kwalahawani.

¹⁶² Kutani na n'wina Vaprotestant lava mi nga pavalala hi le tlhelo, swi twakala va etlele, va le ku hlayeni ka swi torhi swarirhandzu swa timagazini ematshan'wini ya Bibele ya n'wina! Ehangle, ku rindzeriwile kun'wanyana, eka muxaka wun'wana wa phati, ematshan'wini ya kuva exikhongelweni kun'wana; va rhaselana hi nchumu wun'wana wa khale wa swilo

leswi ntsongo *leswi* nga riki na mhaka ngopfu. [Makwerhu Branham a thokoza rintiho ra yena—Muhleri.] A wu fanele u ri ematsolweni kun'wana, loko kuruku u tiva leswi Nkalamakumu wu swi vulaka.

¹⁶³ Xiyisisani, loko, Hosi Nebukadnezar, ekusunguleni endzhaku nyana, loko nkarhi wa Vamatiko wu tava wu nghenisiwile. A hi languteni leswi wu nga nghenisa xiswona. Kutani hi ndlela leyi wu nga nghenisa xiswona, mi ta kuma leswaku wu famba hi ndlela yin'we. Ha swi tiva leswaku ku ni masungulo ya nkarhi wa tintswalo ta Vamatiko, nile makun'wini ya nkarhi. A hi swona xana? [Nhlengeletano yi ku, "Amen."—Muhleri.]

¹⁶⁴ Sweswi langutani, loko Hosi Nebukadnezar... loko Daniel a tava a rhumeriwile kwalahaya, muprofeta wo tlhariha, loko hinkwavo ka vona Vayuda va tava va vile ni muxaka wo tintsongahata niku khizama kutani va khizamela Varhoma... kumbe Vababilona. Kambe a kuri ni vanharhu, mune wa vavanuna; vanharhu (Shadrack, Meshack na Abednego), kutani Daniel, laha xikongomelo xa vona etimbilwini ta vona ku nga ku tirthela Xikwembu. Kutani loko va tava va hoxile Shadrack, nikuya emahlweni, eka... Kutani Daniel u vile wanuna lonkulu, nile mahlwени ka Hosi Nebukadnezar na Belshazar, nikuya emahlweni. Loko a tava wanuna lonkulu, sweswi langutani, Hosi Nebukadnezar u endlile xifaniso xa nsuku kutani a xi veka ensin'wini, a ku un'wana ni un'wana u fanele ku khinsamela xifaniso xexo.

¹⁶⁵ Mikale mi byi xiyisia vuntshwa bya xona, xana xifaniso xexo a xi endliwile xi va mani? A kuri Daniel, xifaniso xa munhu. Kutani a nga kalanga a ku, "mimoya ya swikwembu," vahedeni? Tani hilaha va nga xiswona namunttha, hi na vanharhu kumbe mune wa vona. "Mimoya ya swikwembu yi hanya eka yena," kutani va endlile xifaniso xa Daniel. Kutani a ku, "Hinkwavo lava nga taka va nga xi khinsameli xifaniso, va ta hoxiya ekheleni ra ndzilo." Maswixiyisia, Daniel a sukile eka mbono enkarhini walowo. Maswikuma leswi ndzi ndzi swi vulaka xana? "Kutani loyi a nga taka a nga xi khinsameli xifaniso xexo u ta tsemeleriwa a va swiphemu-phemu, kumbe a hoxiya ekheleni ra tinghala, kumbe a hisiwa ekheleni ra ndzilo, kumbe swin'wana, a xupuriwa."

¹⁶⁶ Yaleylo hi yona ndlela ya ku hangalaka ka Vamatiko yi nga sungula kona, hi xivumbeko xa vuheneni xa magandzelelo ya vukhongeri, ni ku xanisiwa leswi swi nga va endla leswaku va xi khinsamela. Kutani Bibele yi swi bvumbhile leswaku swi ta hela hi ndlela yin'we, "Wanuna lowo kwetsima," Yesu Kreste; xifaniso eka Yena, ku xigandzela, nikuya emahlweni.

¹⁶⁷ Ma swi tsundzuka, eka buku ya Foxe ya va xanisiwa, va vile ni xifaniso xa xihambano emahlweni ka vona, va veka

havi eka voko rin'wana ni rin'wana tani hi sweswo, kutani va ku... Loko mi nga tshiki, ku tshika Vuprotestant, kutani mi va Makhatholiki kutani "mi khisa xifaniso lexi xa xihambano." Va ta sungula havi yin'wana hi ndlela yin'wana, ni yin'wana hi ndlela yin'wana, kutani va va koka va va hambanyisa. Va va hisa eka timhengu. Va endlile hinkwaswo. A ndzi ri eswilahlweni swa khale; ndza switiva leswi ndzi vulavulaka hi swona. Kutani, wa vona, sweswo, hi swona sweswo. Kutani kwalahaya va pavalarile. Kutani xiyisisani leswi va nga fambisa xiswona emasikwini ya lawa ya ku halatiwa ka ngati emahlweni ka Martin Luther. Kuya hi Bibebe, nakambe.

¹⁶⁸ Sweswi xiyisisani swinene nakambe sweswi. Sweswi ndzi mi lava mi xiyisia nchumu lowukulu. Xana mfumo walowo wa Babilona wu fayekise ku yini? Vusiku byin'wana loko va fambile ku ya teka swibye swo kwetsima swa Xikwembu, kutani va sungula kunwela wayeni eka swona; va sungula ku va na nkarhi lowukulu, kutani va va ni ntlawa wa vavasati kwalahaya, swigangu, kutani a va ri eku denseni niku titlangela nikuva ni nkarhi lowukulu. A hi swona xana? [Nhlengeletano yi ku, "Amen."—Muhleri.] Hi nkarhi walowo a kuri na voko leri a ri tsala ekhumbini, "Mene, Mene, Tekel, Ufarisin." Hi swona xana? ["Amen."] Kutani va fambile ku ya vitana Vakaldiya va vona hinkwavo, vanhu va vona lavo tlhariha, swirho swa kereke leyi yi kufumelaka, ku hava ni un'we wa vona loyi a nga kota ku swi hlaya. Sweswo hi swona.

¹⁶⁹ Kambe a kuri ni wanuna kwalahaya loyi a nga hlayaka tindzimi leti nga tivekiki, haleluya, a nga kota ku tihamusela. Maswivona leswi ndzi swi vulaka xana? A nga swikota ku hlamusela tindzimi leti nga tivikiki. Yaleylo hi yona ndlela leyi swifambisaka xiswona.

¹⁷⁰ Yaleylo hi yona ndlela leyi a humisaka xiswona sweswi, ni matimba ya Moya lowo Kwetsima eka vanhu lava nga tatiwa hi nkhuvulo wa Moya lowo Kwetsima, lava va nga ni matimba ni masingita ni mahlori. Lahaya ku famba Kereke ya Vamatiko. Lahaya ku na masalelwaa.

¹⁷¹ Lahaya hilaha swi nga nghenisa xiswona, kwalahaya hilaha swi nga humisa xiswona, hakunene, ku khinsamela niku bohelela vukhongeri bya hafu bya vahedeni. Kutani Xikwembu xi nghena hi awara yo nonohwa ni ku tsala hi tindzimi leti nga tivekiki, kutani wanuna a ti hlamusela. A nga swikota ku tihamusela. A nga ri tivi ririm i lero; ku hava munhu loyi a ri tiva. Kambe a ri ni Moya lowo Kwetsima lowu fanaka, lowu wu nga n'wi pfumelela ku swi hlamusela sweswo, wa ha ri Moya wun'we lowo Kwetsima eKerekenei namuntlha.

¹⁷² Mi Wu vitana "mukanganyisi." Ndzi ta pfumela va ni vunyingi bya swona. Kambe, makwerhu, kuni wun'wana wa ntiyiso lahaya, nakambe. Sweswo hi swona, wun'wana

wa ntiyiso lahaya, nakambe. Javulosi u hoxile ku encenyeta hinkwako loku a nga ku kotaka, endleleni, ku mi hlanganisa nhloko. Kutani loko mi nga ha ehleketi nchumu hi Xikwembu ku tlula ku nghena ehansi mi hlaya Bibele ya n'wina, mi khongela mi tlhela mi kombela Xikwembu, kutani swi ta mi kombeta loko mi nga ri na mhaka ni mimoya ya n'wina.

¹⁷³ Famba u ya emahlweni ehandle kwalahaya i ku, "Xikwembu, a ndzi na mhaka leswaku i va mangedyana vangani va khale lava va ringaka U nga va humesela ehandle lahaya. Ndzi vona Bibele ya Wena ya swivula, kutani ndzi tibohile!" Sweswo hi swona. "U ndzi tshembhisile swona, mbewu ya Abraham."

¹⁷⁴ Xikwembu xi mi vitanile, mi ta ta eka Xona; kambe loko mi nga ti, a ndzi na mhaka ni leswaku mi ni vukhongeri bya njhani, mi famble; hi swona hinkwaswo sweswo, a mi nge swikoti ku ta. Ku hava munhu loyi a nga ta swikota, handle kaloko Yena a mi vitana. Nakona A nga swi tsakeli leswaku na un'we a lova, kambe vo tala va n'wina mi ta lova hikuva a mi na mhaka na Xona ngopfu.

¹⁷⁵ Kutani mi ta rhendzeleka mi vona swin'wana leswi swi langutekaka swi hoxekile, ku kombisiwaka swin'wana swintsongo, "Kunene, Dok. So-na-so u vule so-na-so, nikuya emahlweni." Kutani mi rhendzeleka niku sandza Moya lowo Kwetsima, maswitiva leswaku hi swona, nakona swi ngaka swi nga rivaleriwi.

¹⁷⁶ Mi ta swi kuma hi timinetse leti nga heteki mbilu leswaku mfungho wa Javulosi i yini, i yini—i yini xilemo xa Javulosi, mfungho wa xivandzana. "Loyi a nga ta sola Moya lowo Kwetsima, a ngaka a nga rivaleriwi, eka misava leyi, kumbe eka misava leyi yi nga tata." Langutani kereke ya leyo yo sungula, leswi va swi endleke. Langutani, ha leswi, kereke ya vumbirhi! U nga ha ti lemela wena hi wexe eMfun'wemi wa Xikwembu, nale ka Javulosi; laha ku nga riki niku "rivaleriwa, emisaveni leyi, kumbe eka leyi nga tata." I ntiyiso. Swingaleswi, mi ti vonela, fambani hi xichavo. Mi ti vonela eka leswi mi swi endlaka, eka n'wina lava mi nga swi tiviki leswi swi nga ta humeleta.

¹⁷⁷ Sweswi, ha swivona hinkwaswo leswi sweswi swi endla nhulu yale hansi. Ndzi na makume mbirhi wa timinetse. Ndzi mi lava mi pfula na mina eka ndzimana ya vu¹⁷, Nhlavutelo, leswaku hi ta heta sweswi. Sweswi hi ya eku beni ka patu ro ya ekaya. Yingiselani swinene. Hlayani na mina. Pfulani ti Bibele ta n'wina mi ti lulamisela ku hlaya. Leswi swi fanele ku swi lemela.

¹⁷⁸ Tsundzukani, ku ni mimfungho mimbirhi; wun'wana i wa vungwinihi, lowun'wana i wa Moya lowo Kwetsima. Wun'wana i wa mfungho wa Javulosi.

¹⁷⁹ Tsundzukani, ndzi vule leswi, leswaku kereke yo sungula ya Khatholiki... Sweswi, vanhu va Khatholiki, tshamani nyana hi xichavo. Kereke yo sungula ya Khatholiki va vumbile mavonelo lawa ya nga ya vona ya swin'wana. A va ri ni dyondzo ya vunwa, ya xilalelo xo kwetsima, xa ku teka swidamarhetiwa ematshan'wini ya nkhuvulo wa Moya.

¹⁸⁰ Maprotestant va tekelerile ku tlhavulana ka mavoko, kumbe ku endla xikombelo; havumbirhi ka vona va hoxile, ku ya hi Rito ra Xikwembu. *Loku i ku tsala ka wasi.* Va tile va ta khuvula hi, "Tatana, N'wana, Moya lowo Kwetsima," laha swi nga vuriwangiki na kan'we laha un'wana a nga tshama a khuvula hi ndlela yaleyo; laha hi kuhetiseka ku nga xi pagan, nkhuvulo wa Khatholiki. Kutani va swi amukela, va ku, "N'wina Vaprotestant khinsamelani nkhuvulo wa hina."

Ndzi ku, "Hikokwalaho ka yini mi swi endla?"

¹⁸¹ Va ku, "Kereke ya Khatholiki yi na matimba yo ncinka Matsalwa man'wana ni man'wana lawa va ma lavaka."

Ndzi ku, "Byebyo i vunwa."

A ku, "Xana hikokwalaho ka yini mi byi khinsamela?"

¹⁸² A ha, swingaleswi mi ta miyela. Ku nga ri mina! A ndzi pfumeri eka swona. Leri i Rito ra Xikwembu. Sweswo hi swona. Loko vanhu va lava ku landzelela, va fanele ku famba va ri vox. Ndzi fanele ndzi vula Ntiyiso. Sweswo hi swona.

¹⁸³ Xiyisisani, swingaleswi va tile ni swilo leswi hinkwaswo, kereke, yi hlangana niku lerisa ka yona ka khale ni hinkwaswo swilo leswi kwalahaya. I ntawha wa njhani wa futa na thyaka! Kutani swi tlhothorhile mabiliyonu ya vagwinihi, niku titimela ka ximfumo ka . . .

¹⁸⁴ I swa Jayulosi, ekusunguleni. Nakona ndzi nga ha mi khorwisa hi Bibele lahawani, "Misava hinkwayo yi hlamarile endzhaku ka matimba lawa ya xivandzana; lexi a xi ri kona, xi nga ha riki kona, xi ta tlhela xi va kona." Swi ngava njhani, "a xi ri kona, a xa hari kona"? Yi ku, "Misava hinkwayo yi hlamlala ha xona."

¹⁸⁵ Loko vuvedeni bya Rhoma byi va vulawuri bya Rhoma, a swi kalanga swi hundza. Mafambiselo ya Xirhoma mahundzile; loko hosi leyintshwa yi nghena, ntsena u veke milawu yintshwa. Kambe loko swi ta eka vuvedeni bya Rhoma, hi kereke ya Khatholiki, hi xiphope, a swi kalanga swi hundza. Loko phope yin'wana yi fa, va vekela yin'wana; phope yin'wana yi fa, va vekela yin'wana. "Xivandzana lexi a xi ri kona, lexi nga ha riki kona, sweswi xi kona; lexi a xi nga ri kona, lexi xi nga kona; lexi . . . kutani xi taya eku loveni." HI LESWI MOYA LOWO KWETSIMA WU SWI VULAKA, hi Matsalwa.

¹⁸⁶ Sweswi, yingiselani. "Kutani lahaya ku ta xin'wana . . ." Hinkwerhu ka n'wina langutani sweswi, ndzimana ya vu17.

Ntsumi yin'wana ya leta ntlhanu na timbirhi leti tameleke swimbitana swa ntlhanu na swimbirhi yi ta eka mina, (sweswo i swimbitana swo hetelela, leswi nga chuluriwa), yi vulavula na mina, yi ku... Tana; ndzi ta ku kombisa...ku avanyisiwa ka muoswi lonkulu la tshamiseke henhla ka mati layo tala:

¹⁸⁷ Langutani Nhlavutelo 12. Yaloye a ri wansati loyi a nga tivi wanuna. A ri manana hakunene. A yime ku saseka njhani!

¹⁸⁸ Kambe lahwani un'wana u vitaniwa nghwavavani, "m-u-o-s-w-i," swivula vu...Xana swivula yini sweswo? Mi nge hi xi endla xifaniso lexi...kumbe hi swi anakanya kunene.

¹⁸⁹ Ndzi khomeleni. Loko ndzi hatlisa ngopfu; ndzi ehleketa leswaku ndzi na khume ntlhanu wa timinetse. Na ha ya eku tshameni ka awara yin'wana kwalaho, swingaleswi tshamisekani. [Nhlengeletano yi ku, "Amen."—Muhleri.]

¹⁹⁰ Langutani. Swi lulamile. Langutani, a hi swi anakanyeni ehansi. I wansati la nga nyama. Xana muoswi i yini? Ndza swi venga ku vula rito leri, kambe ri tsariwile lahwani eBibeleni. I wansati la tivulaka leswaku i wansati wa kahle, kutani a endla vugangu ni vavanuna van'wana. Sweswi, loko kuruku wansati u yimela kereke, swingaleswi i kereke leyi yi tivulaka Vakreste, kutani yi endla vugangu ni swilo swin'wana. A hi swona xana?

¹⁹¹ "Kutani u tshamile ehenhla ka mati yo tala; vunyingi ni swivongo swa vanhu." Hlayani...kwalomu ka vhese ya vu¹⁵ kutani mi ta swivona sweswo, wa vona. Kumbe, ya vu¹⁷, hi ku landzelelana kwalahaya. Hi ta nghena eka swona ku nga ri khale. "Wansati la tshameke ehenhla ka mati yo tala; muoswi." I nchumu wa njhani! Sweswi loko a hi ri na masiku endzhaku ka masiku, a ndzi ta teka wansati yaloye hi n'wi landelerisa kusukela eka Kayini kuya eka ku Vuya ka Hosi Yesu, kutani ni mikombeta leswaku hi yena wo sungula ku kondletela kereke. Hi yena manana wa vandla. Langutani, "Kutani wansati loyi a tshameke ehenhla ka mati yo tala. Ehenhla, a tshameke ehenhla ka mati yo tala."

Sweswi vhese ya vu².

...loyi (t-i-h-o-s-i) tihosi ta misava ti oswaneke na yena, ni lava akeke misaveni va pyopyiweke hi vhinyo ya vuoswi bya yena.

¹⁹² Hi marito man'wana, u tivula leswaku hi yena kereke ya Vakreste; yale henhla, yo saseka. Langutani leswi a nga ambarissa xiswona, hi timinetse leti nga heteki mbilu, ni tiperla ni nsuku ni maribye. Va ri, "I mani a fanaka na yena?"

¹⁹³ Kutani u na xinwelo evokweni ra yena, lexi teleke hi "wayeni ya vuoswi bya yena," ku tinyamisa ka yena, dyondzo ya yena leyi yi endlaka tihosi, oho, ntsena kuva hi va na xikhongelo nyana ni "ku khongelela n'wina mi nga endzhawini yo

tihlantswa kona swidyoho,” ni hinkwaswo swilo leswi. Sweswo hi swona. Kwalaho mi nga kona. Lero i Rito ra Xikwembu leri ndzi ri hlayaka. Langutani, “Swingaleswi u ndzi rhwarile eka . . .” Sweswi a hi voneni, niku endla vhinya . . . Sweswo hi swona, vheses ya vu3 sweswi. Swi lulamile.

Kutani yi ndzi yisa mananga hi moyo: kutani ndzi vona wansati la tshameke henhla ka xivandzana xa ribu- . . . xivandzana, . . . (“Ribungu,” xo fuma, kereke leyti nga fuma ngopfu emisaveni hinkwayo.)

¹⁹⁴ Va rila lahawani, “I mani loyi a nga lwaka na yena?” Ku na munhu un’we emisaveni, munhu un’we ntsena emisaveni, eka misava hinkwayo, loyi a nga ni matimba tani hi Hosi Nebukadnezar leswi xivono xa yena a xi ri xiswona. Swikunwana swa vona swi humile eka hinkwako . . . Lexi nga totiwa hi mavala ya nsimbhi ya Rhoma ya tsutsuma hinkwako eka matiko hinkwawo ya misava. Ku hava munhu un’wana emisaveni a nga ni leswi a nga swivilulaka leswi phope wa Rhoma a nga na swona. President Eisenhower a nga ha vulavula eUnited States, nakona i nawu; kambe ku ni matiko man’wana lawa a nga vulavulaka eka wona, nakona a ngo va nchumu. Kambe mfumo wa Khatholiki wu nga ha vulavula eRhoma, kutani tiko rin’wana ni rin’wana ri ta swi huwelela. Sweswo hi swona. Lahaya u kona. Sweswi hi ya eku voneni leswaku u le kwih, hi tlhela hi vona loko kuri yena kumbe ku nga ri yena, hi vona loko a fanisiwile lahawani. Hinkwaswo swi lulamile.

. . . kutani ndzi vona wansati la tshameke henhla ka xivandzana xa ribungu, (xifumi), lexi teleke mavito ya swisandzu, . . .

¹⁹⁵ Nkhuvulo lowu nga hoxeka; rifuwo leri hoxekeke; va fambisaka vanhu hi vubofu, va va byelaka leswaku va nga ha ta ekerekeni, va ta tivula, ni swin’wana, va endla leswaku “Ha ku losa Maria,” va tisola. Ku hunisa! Thyaka! A ndzi swi voni leswaku vanhu, va miehleketo ya nhluvuko, va nga swi pfumela swilo sweswo.

. . . xa tinhloko ta tlhanu na timbirhi . . .

¹⁹⁶ Kwalaho mi nga kona nakambe, dimona rin’we leri ri nga hinkwako, dragon yo tshwuka, xivandzana ni hinkwaswo, xi na “tinhloko ta nkombo; timhondzo ta khume.”

¹⁹⁷ “Kutani wansati,” wansati, sweswi, kereke. Sweswi, xivandzana i “matimba” u na wona, kereke ya Roman Khatholiki, kambe matimba ya Roman Khatholiki. Kambe, hi leyti kereke yi vulavulaka sweswi.

Wansati a ambele xivunguvungu lexo tshwuka, a bombile hi minsuku ni maribye ya nxavo wa nkoka ni tiperla, a tamele vokweni ra yena xinwelo xa nsuku lexi teleke manyala ni thyaka ra vuoswi bya misava:

¹⁹⁸ Lahaya u kona; ni kereke yin'wana mi yi tivaka. A hi yona xana? Yi fanele ku va kwalahaya; yi fanisiwile. Ntsena a hi hlayersi kuya ehansi kutani hi ta swivona leswaku i mani.

*Emombyeni wa yena ku tsariwile vito leri nge,
SWIHUNDLA, BABILONA LONKULU, MANA WA
SWIOSWI, NI WA MANYALA YA MISAVA.*

¹⁹⁹ Swikahle, Protestant, lahawani hilaha mi tlimbekaka kona. Mi ta swi amukela leswaku i nghwavavani, kambe i "MANANA" (wa yini, wa majaha xana?) "WA SWIOSWI." Kwalaho ku tava ku ri *vavasati*. A hi swona xana? [Nhlengelato yi ku, "Amen."—Muhler.] Kwalaho ku tava kuri *tikereke*. A hi swona xana? ["Amen."] Hi yena manana wa kereke. A hi yena xana? ["Amen."] Xana Martin Luther u huma kwihi? Mukhatholiki. Xana hinkwato leti ti tlhotlhorphiwe kwihi? Vukhatholiki, va ha tisa dyondzo ya liya ya vona, kutani ma yi khinsamela.

²⁰⁰ Sweswi, wansati wo tshembheka eJeffersonville a nga tswala ya kahle, ya ntiiyiso, wa nhwana la nga tiviki wanuna, sweswo hi swona, kutani a nga ha famba a lulamile loko a swi lavisa xiswona. Kutani swingaleswi u endlile kereke ya Lutheran, Methodist, ni Baptist, ni Presbyterian, ni kuya emahlweni; va fambile va kongoma xinkadyana, loko lava-loko lava va nga tisungula va ha va chumayelerile Evhangeli. Kambe sweswi va ya a tixowini, eku densen, eka tithelevhixini, eku zaheni, va endla hinkwaswo, (maswitiva leswaku i ntiiyiso!), va tshama emakaya hi Sonto. Xana i yini? Hikuva muoswi u na maendlelo ya mana wa yena. Walowo i ntiiyiso. Walowo i ntiiyiso.

²⁰¹ Sweswi a hi voneni leswaku hi kwihi laha ku nga na muhlovo. Bibebe yi teri hi yena "MANANA WA SWIOSWI." Kutani un'wana na un'wana wa switiva leswaku sweswo a kuri vuhedeni bya Rhoma, kumbe Manana papal wa Rhoma, kereke ya Khatholiki. Hi minete, ndzi ta mi kombeta, ni n'wi veka emisaveni exiyin'weni, ntsena laha a nga tava a tshamile kona. Hi swona. Laha a nga kona ni leswaku hi yena mani, Bibebe yi vule tano. A hi mina; Bibebe! Nakona yi teri u tswarile vanhwenyana va tikereke to tala. Hi swona, sweswi, Methodist, na Baptist, na Lutheran, ni kuya emahlweni, ma ku vona laha mi taka kona, "MANANA WA SWIOSWI." Va hanyile kahle, kambe loko Rivoni ri sungula ku voninga . . .

²⁰² Swi fana ni ntawa wa mahele hi nkarhi wa ximumu. Loko u lumeka rivoni, endleleni leyi hele ri nga eku dyeni ka mpumpurhu kumbe swin'wana swo fana ni sweswo, kutani erivonini u ma languta ma lava ku ti tumbeta hi xihatla tani hilaha ma nga swikotaka.

²⁰³ U chumayela Evhangeli, kumbe nkhuvulo wa Moya lowo Kwetsima, eka vunyingi lebyi bya maendlelo ya xikhale,

tikereke leti ti nga riki na vukwembu; kutani mi va vona, “A hi pfumeli eka swilo swo tani hi sweswo. A ndzi pfumeli eka nchumu...” Hikokwalaho ka yini? Maswitiva leswi mi nga xiswona, emasunguleni. Sweswo hi swona. Sweswo hi swona hakunene.

²⁰⁴ A ndzi vuli leswi swi lwisanaka na kereke ya n’wina; makwerhu, mi na vanhu kwalahaya lava va nga maribye ya nkoka. A ndzi vuli nchumu lexi xi lwisanaka na vanhu va Khatholiki. Ndzi rhandza vanhu va Khatholiki kufana ni loko ni rhandza vanhu va Branham Tabernakele. A hi n’wina, vanghana, lava ndzi ringetaka ku va huwelela. A hi n’wina, Methodist na Baptist, na Branham Tabernakele. A hi n’wina lava ndzi mi huwelelaka. I vudyoho lebyi mi pfumelelaka Javulosi ku mi veka eka byona! Ntsena hikokwalaho ka kuva miya ekerekeni, miehleketa leswaku mi ponisiwile.

Yesu u teri, “Handle ka loko munhu a nga tswariwanga ra vumbirhi hi mati na Moya, a nge ngheni eMfun’weni.” Kutani loko mi amukela nkhuvulo wa Moya lowo Kwetsima, “Masingita lawa ya ta endliwa hi lava va pfumelaka.” Sweswo swilo thwi kusukela emakatleni, makwerhu, kambe sweswo swile thwi eMakatleni swi suka eBibeleni. Yesu a nga kalanga a ku, “Kumbexani masingita lawa ma ta endliwa hi va n’wana.” U teri, “Ya ta endliwa hi vona.”

Oho, va ri, “Sweswi, ndzi pfumela leswaku sweswo a swi ri swa va apostola. Ndzi pfumela leswaku ku ni xirhendzevutani xin’we ntsena xa va apostola, kutani sweswo a swi ri lahaya emasunguleni.”

²⁰⁵ Kutani dyondzo ya liya a hi ri na yona madyambu ya tolo, “A ri ni tineyeli ta nkombo evokweni ra Yena,” kutani nyeleti yin’wana na yin’wana a yi fanele yi nyikiwa nguva yin’wana na yin’wana ya kereke leswaku ku va Rivoni, hiswona; ntsena kufana ni loko ku ri ni muapostola *lahaya*, ni muapostola *lahaya*, ni muapostola *lahaya*, ni muapostola *lahaya*; “laha a kuri Mimoya ya nkombo,” emasunguleni ya dyondzo ya hina, “ku yima emahlweni ka Xikwembu, ku va hi rhumeriwela eka Tinguva ta Nkombo ta Kereke.”

²⁰⁶ Oho, makwerhu, u nga hava u rhendzelekile na xidyondzani nyana xa Baptist kumbe Methodist, u tiseketela hi xona; kambe loko u xi languta, hi tlheloa Bibebe, kan’we. Sweswo hi swona. Amen. Ndzi titwa ndzi kateka sweswi. Amen. Ina, nkulukumba. Languta. Makwerhu, kwalaho u nga kona. Swa gayeleka; kambe nkharisa wun’wana, a wu ku endli u va un’wana wa kahle...

²⁰⁷ Manana, u tshamile endzhaku *lahaya*, a toloverile ku ndzi endlela mafurha ya nhlapfurha. A hi ri swihlangi swa khale swa tincece. A hi fanele hi dya ximbundwa na tinyawa, masiku hinkwawo ya vhiki, na hi Sonto, nakona. Hi tindlela

tin'wana, a ndzi fanele ku teka mirhi yo tala. Madyambu ya Muqhivela, minkarhi hinkwayo a ndzi nyika mafurha ya nhlapfurha. Kutani hi madyambu ya Muqhivela a ndzi ta khomelela nhompfu ya mina, tani hi *leswi*, a ndzi vuli leswi leswaku swi va xihekiso. A ndzi ta khomelela nhompfu ya mina, kutani ndzi ku, "Manana, ntsena ndzi ngaka ndzi nga wu teki. Wu ndzi hlambisa timbilu."

A ku, "Loko wu nga ku hlambisi timbilu, a wu ku endleli swa kahle."

²⁰⁸ Swingaleswi hi Lowu. [Makwerhu Branham a babbetela Bibele ya yena—Muhleri.] Wa ku hakasa! Wu ta endla—endla swirho swa wena swa mpfuvvelo leswaku swi tirha kahle, swingaleswi hakunene wu ta pfuvvela Evhangele leyi heleleke.

²⁰⁹ Malutheran ma tile ma longolokile ni ku luluma. Hikokwalaho ka yini, a va ri ntsena... Lava kondleteriweke kusukela ehansi, "Ina, nkulukumba, hi va kereke!"

²¹⁰ John Wesley u vonile ku kwetsimisiwa. U teri, "Ndza swivona ku hambana." Kutani a ku, "Sweswo swi lulamile hinkwaswo, Luther, kambe leswi hi swona." Xana a ri mani? Luther a ri nyeleti ya nguva ya yena, kambe lahwani hi loyi Wesley. Swi lulamile.

²¹¹ Sweswi, manuku, hinkwavo Malutheran va tlhelerile endzhaku eka xelufu, hikokwalaho ka kuka va rivarile... a va kalanga va... Sweswi, ku ngari hinkwavo va... Ndzi vula va kereke ya Lutheran. Va Lutheran hambiswiritano va hari na vavanuna va kahle, lava nga tatiwa hi Moya lowo Kwetsima. Sweswo hi swona. Kambe sweswi hinkwavo va tlhelerile endzhaku ekerekeni, eka nguva yaleyo. Hiswona.

Lahawani xikan'we-kan'we ku ta Wesley. U va tekile eka nguva ya vona.

²¹² Manuku, nchumu wo sungula mi wu tivaka, xikan'we-kan'we kuta... Endzhaku ka nguva ya Wesley, ku ta Pentekostal. Kutani va amukerile Moya lowo Kwetsima, va vulavula hi tindzimi.

²¹³ Mina, Mamethodists, na Manazarenes, na Maholiness, mi ri, "Oho, i Javulosi." Kutani maswivona leswi mi swi endleke xana? Mi sandzile Moya lowo Kwetsima. Kutani ma ku vona laha mi nga kona namuntlha? Sweswo hi swona. N'wina, ngopfu-ngopfu leswi mi swi endleke. Hakunene, mi swi endlile. Nakona mi hlulekile ku famba eRivonini.

²¹⁴ Kutani sweswi n'wina Mapentekostal ma kufumela, Nguva leyi ya Kereke ya Laodikiya, kufikela laha Xikwembu xi mi hlataka hi nomo wa Xona. Hiswona. Sweswo hi swona hakunene.

²¹⁵ Mi ri, "Xana wa pfumela eka ku vulavula hi tindzimi?" Ina, nkulukumba. "Xana u tshame u vulavula hi tindzimi?"

Ina, nkulukumba. Ndzi dzunisa Xikwembu ha swona. Ina, nkulukumba. Ndzi vulavurile hi tindzimi, minkarhi yo tala. Kutani ndza pfumela leswaku i Matimba ya Xikwembu. Ina. A ndzi pfumeli leswaku vumbhoni lebyi byi nga kona, leswaku, i ku vulavula hi tindzimi. Kambe ndza pfumela leswaku Matimba ya Xikwembu ma ku endla u vulavula hi tindzimi, masingita ni mahlori ya landzela. Ina, nkulukumba.

²¹⁶ Kutani swingaleswi Javulosi a vekela wukuwuku ro chavisa ra khale ehenhla lahaya, leri ri solaka nikuva ni maendlelo ya loko va ri ni Moya lowo Kwetsima. Ni hinkwerhu ka n'wina va Pilgrim Holiness, na Holiness, na Nazarenes, ni hinkwerhu ka n'wina, mi languta endzhaku mi ku, “Ooh, a ndzi lavi na nchumu wa Sweswo. Ooh!”

²¹⁷ Oho, tintswalo! Loko mi ri na Moya lowo Kwetsima, kumbe xiphemu xa Xikwembu ehansi embilwini ya n'wina, u kwetsimisiwile tani hilaha a wu fanerile, u fanele ku swi tekela enhlokweni leswaku ya lawa i Matimba ya Xikwembu. Yesu a nga vulanga a ku, “Loko a mi tivile Muxé, a mi tava mi ndzi tivile na Mina”? Hakunene. Loko ku kwetsimisiwa kuri xiphemu xa Moya lowo Kwetsima lowu wu basisaka wu mi kwetsimisa; loko mi ri na wona wa Lowo, mi ta wu tekela enhlokweni hi vunyingi bya Wona loko Wu ta.

²¹⁸ Voko *leri* ri tekela voko *leri* enhlokweni. Nhloko *leyi* yi tekela nenge *lowu* enhlokweni. I xiphemu xa miri.

²¹⁹ Kutani Bibele yi teri ku na tinyiko ta nkaye ta ximoya; vaprofeta, vadyondzisi, va evhangeli, ni va...nikuya emahlweni; ni—ni niku hlamusela tindzimi, ku vulavula hi tindzimi, ku hanyisiwa ka Matimba. Wu ta tekela enhlokweni xin'wana ni xin'wana xa Tona.

²²⁰ Oho, mi khoma hi gwitsi, “Ku hava lexi ndzi nga xi endlaka ha Sweswo.” Yhhu! Ka kufumela lahawani, a hi swona xana? Walowo i ntiyiso. Hikokwalaho ka yini? Hikokwalaho ka yini? Mi tikondleterile. Kereke ya n'wina yi vule tano, kutani xexo hi xona xivangelo xa kuva mi nga swikoti ku swi endla. [Makwerhu Branham a gongondza ephulphitini ko hlaya—Muhleri.]

²²¹ Kambe votala va n'wina Mamethodists humani mi ta kuma Moya lowo Kwetsima. Votala va n'wina Mabaptist humani mi ta kuma Moya lowo Kwetsima. Ina, nkulukumba. N'wina, kutani votala va n'wina va Holiness humani mi ta kuma Moya lowo Kwetsima. Ina. Hikokwalaho ka yini? Mi ngavi na mhaka ni leswi kereke yi swivilulaka. Mi famba a Rivonini. Amen. A mi na mhaka ni leswi swi humeletlaka. Maswitiva leswaku i swa Hosi, kutani ntsena fambani eka Swona.

²²² Tshikani—tshikani xikhedhudyana xi ti tshamela kwale ndzhaku, manana wa vona wo dyuhala. Xi na maendlelo ya manana wa xona endzhaku lahaya, muoswi. Xi ti kondleterile.

Yaleyo hi yona milawu yo sungula ya ku sungula ka khombo, loko kereke ya Khatholiki yi tava yi tikondleterile. Manuku kereke ya Malutheran yi vuye yi ti kondletela endzhaku ka xona. Kutani kereke ya Methodist yi vuya yi tikondletela endzhaku ka xona. Kutani kereke ya Baptist yi ti kondletela. Kutani sweswi ku na ntsevu wa madzana na makume nkaye-ntsevu wa mavandla yo hambana. Kutani na Pentekosta yi endle swo fana na yona!

²²³ Wa kwetsima! Mhaka i yini? Xikwembu xi le ku khorwiseni leswaku a Xi le mavandleni. Xi le Moyeni, Moya lowo Kwetsima. Haleluya! Haleluya! Ina, nkulukumba.

²²⁴ A Xi na mhaka ni leswaku vandla ra n'wina i yini. I thyaka. Ri hlanganisiwile na Vukhatholiki niku tlhelela endzhaku eka yona, niku tshama na yona, kutani mi kuma mfungho wun'we ni lowu yi nga na wona. Xana ntsumi a yi vulanga yi ku, "Humani eka yena, vanhu va Mina, kutani mi nga tshuki mi nghena eku dyoheni ka yena, kutani Ndzi ta mi amukela"? "Mi nga khumbhi swilo swa yena leswi nga basangiki, kutani Ndzi ta mi amukela," i Moya lowo Kwetsima wu vulavulaka.

²²⁵ "Kutani loyi a tekaka mfungho wa xivandzana, kumbe papila ra vito ra yena." Loko a hi ri ni nkarhi wo nghena eka sweswo; nkarhi wa mina wu herile. Xana hi rihi papila ra vito ra yena? Vuprotestant. "A hi endleni xifaniso lexi xi fanaka na yona. A hi endleni nhlangano. Kereke ya hina ntsena yi kulu tani hi kereke ya Khatholiki." Va tekile swilo leswi. "Va ni tikereke letikulu, kutani ha endla, na hina. Ntsena hi na mintlawo yo tala ya doroba, ekerekeni ya hina, tani hilaha a va ri na yona. A hi endleni xifaniso xa xivandzana." Kutani Bibele yi teri yini, hi yena "MUOSWI," kutani yaloye i "NGHWAVAVANI," hi nhlangano.

²²⁶ Kambe Kereke ya Xikwembu lexi xi hanyaka yi ntshuxekile. "Loyi a ntshuxiweke hi N'wana u ntshuxekile ku ntshuxeka hakunene-nene." Humani eka yona! Tatiwani hi Moya wa Xikwembu.

Matiko ya fayeleleka, Israel ra pfuka,
Masingita lawa Bibele yi nga mavula;
Masiku ya Vamatiko ya pimiwile, ku hatlisela
 ku wisa;
"Tlhelelani, O ku hangalaka, ka n'wina."

Siku ra ku kutsuriwa ri fikile,
Timbilu ta vanhu ta tsandzeka hi ku chava;
Tatiwani hi Moya wa Xikwembu, mavoni ya
 n'wina a ma lulamisiwi ma basa,
Langutani ehenhla, ku kutsuriwa ka n'wina
 ku fikile! Amen.

²²⁷ Swilo swi famba njhani! U teri, emasikwini yo hetelela, "Mi nga chavi, vanhu lava ntsongo. I ku rhandza ka Tatana ku mi nyika Mfumo," hi tshama kun'we etindhawini tale Matilweni.

²²⁸ Na n'wina Mamethodist, Baptist, Presbyterian, n'wina mi nga hleka pentekosta . . .

²²⁹ Kutani, ndzi ri, Pentekosta yi lava fexeni ya khale ya kahle ya Evhangeli leyi nga hlanhleka, hikuva va ti kondleterile. Na yona Assemblies of God ya leyi yi yile eka—eka Pentekosta leyikulu ngopfu, yi joyinile nhlangano wa tikereke, ntsena tani hi xivumbeko ni hi ku hambarana. Kutani lexi nyanyeke ndzi nga xivona hi leswaku Moya lowo Kwetsima wu kamberiwile, ekusuhi swinene, a kuri hi muchumayeri wa Pentekosta. Swingaleswi mi nga ehleketi leswaku, hikuva mi nghena kereke ya Pentekostal, mi ponisiwile.

²³⁰ Ntsena u ponisiwa hiloko u khuvuriwa hi nkhuvulo wa ntiiyiso ni Moya wa Xikwembu, hi Moya lowo Kwetsima, u hlangana na Yena eMatimbeni ya ku pfuka ka Yena, u ya emahlweni na masingita na mahlori, swi landzelela Moya walowo laha Wu yaka kona. Masingita ya landzerile vaprofeta. Masingita ya landzerile Yesu Kreste. Masingita ya landzerile vaapostola. U teri, "Masingita lawa ya tava landzela," kufikela laha A vuyaka nakambe.

"Xana Sweswo swivula tano, Makwerhu Branham?"

²³¹ "Fambani emisaveni hinkwayo, mi ya chumayela Matimba lawa niku ya kombisa eka tiko rin'wana ni rin'wana." Kutani ku kayiverile mbirhi xa nharhu wa swona, hambiswiritano, a nga kalanga a Wu twa. "Kutani masingita lawa ya tava landzela." "Vona!" "Tiko rin'wana na rin'wana!"

²³² Wa kwetsima! Yhuu! Oho, mina! Nkarhi wun'wana mi nga ha ehleketa leswaku ndza penga. Makwerhu, ndza ku byela, ndza yi rhandza evhangeli leyi ya kahle ya khale. Ina, nkulukumba, yi ku nghenisa eka Kreste!

²³³ Sweswi ma wu vona mfungho wa xivandzana leswaku i yini? I mfungho wa vugwinihi. I munhu loyi a nga . . . ntsena ehleketa, leswaku, "Kunene, ndzi nghena kereke, nakona ndzi kahle tani hi nakulorhi un'wana. A ndzi ngheni kereke leyi xana?" Kutani mi swi tekerile enhlokweni, laha nhlangano wa kereke ya n'wina lowu mi nga tshembhela kona, laha wu humaka kona? Mi kale mi swi xiyisisa xana?

²³⁴ Bibele yi teri, "Loyi a gandzelaka xivandzana, u amukela mfungho wa xona, kumbe papila ra vito ra xona," sweswi langutani, "emombyeni kumbe evokweni," byebyo i *vutlharhi* kumbe *mintirho*. Leswi a swi vuli leswaku mi ta kuma swibayana eswikandzeni swa n'wina. A swi ngevi hi ndlela ya leyo. A yi vulavuli hi swale handle. Yi vulavula hi swa ximoya.

²³⁵ Kutani n'wi languteni mi vona leswi a swi tivaka hi Matsalwa. N'wi yingiseleni kutani mi n'wi languta lomu a yaka kona. "Loko munhu un'wana ni un'wana a ri hava Dyonzo ley, a ku na Rivoni eka yena," Bibele yi vule tano. Wa vona? Wa vona? Langutani laha a yaka kona. Langutani leswi a swi endlaka.

²³⁶ U ri, “Kunene, ndza—ndza nghena. Ndzi Muprotestant. Ina, nkulukumba. Ndzi—ndzi nghena kereke *leyi* yin’wana. Ina, nkulukumba.” Kutani hi Sonto u na kwalomu ka ku xixima loku ku ringanelaka eka yona ku ta u ta nghena ni kuva yi tlhela yi huma ku ri na mpfula. U enhlela ehansi, ematshan’wini yo ya enhlengeletanwini ya xikhongelo, u ta pfala kereke, u tshama u hlalela thelevhixini. U ta ya ehandle a ya nwa nikuya emahlweni, a va ni maendlelo hinkwawo ya misava, hambiswiritano wa ha nghena kereke. Tsundzukani, walowo i mfungho wa vudyoho.

²³⁷ Sweswi a hi hlayeni nyana hi ya emahlweni, hi xihatla, kutani ndzi ta pfala. Nkarhi wu hi siyile. A hi hlayeni sweswi vhese ya vu6.

Kutani ndzi vona wansati sweswi (i kereke) a pyopyiwile hi ngati ya vakwetsimi, . . .

²³⁸ “A pyopyiwile hi ngati ya vakwetsimi.” Maswitiva, Bibele yi teri, loko a tava a herisiwile, leswaku xin’wana na xin’wana lexi xi bolaka lexi xi faka, emisaveni, nandzu wu kumekile eka kereke ya Khatholiki. Hakunene, emasunguleni.

*. . . ni ngati ya timbhoni ta Yesu: kaku . . . (Yohana wa vulavula sweswi) . . . kaku loko ndzi n’wi vona, ndzi hlamala ngopfu-*ngopfu*.*

²³⁹ Yohana u teri! Sweswi a hi languteni lahawani. Yohana u teri, “Ndzi n’wi langutile; a sasekile ngopfu, kereke leyikulu yo rhandzeka. A ri na ntlawa lowukulu wa tikereke leti ti nga tswariwa hi yena, ‘manana wa tingwavavani.’ Kutani ndzi langutile endzhaku, nakona swi nga endlekisa ku yini leswaku wansati yaloye. . . A ri eku hangalaseni ka dyondzo ya leyo ya vunwa, a endla leswaku tihosи hinkwato ni vavanuna lavakulu leswaku va pyopyiwa hi yona. Kutani hi loyi nhwanyana wa yena u endla swo fana. Kambe, ndzi n’wi langutile; a sasekile ngopfu!”

²⁴⁰ Kun’wana eMatsalweni kuri, “Ndzi tshamile tani hi hosikazi a ndzi pfumali nchumu.” Wa vona?

²⁴¹ Kutani yena, Yohana, u teri, “Wa ndzi hlamarisa. Ndzi n’wi languta, kutani ndzi languta hi ku hlamala lokukulu. Wa ndzi hlamarisa.”

Kutani ntsumi yi ku eka mina, U hlamalela yini xana? Ndzi ta ku byela . . . Ndzi ta ku byela xihundla xa wansati, ni . . . xa xivandzana lexi a xi khandziyeke, lexi nga ni . . . tinhloko ta ntlhanu na timbirhi ni timhondzo ta khume.

²⁴² Sweswi a hi languteni loko hi ri ni ntiyiso. Loko hi ri ni Vukhatholiki kahle, kutani maswitiva leswaku Vuprotestant bya yi landzelela. Swingaleswi mi ni . . . N’wina, mi ni vutlharhi ku ringanelia ku tiva sweswo, wa vona. Langutani.

Xivandzana lexi u xi voneke a xi ri kona, . . . a xa ha ri kona; kutani xi kona . . .

²⁴³ “Xivandzana.” Sweswi langutani. Sweswi mi ta swi xiysisa lahawani, xi teri i tihosи tingani lahaya leti a ti ri kona; ti wise ku yini, yin’wana yi fanele ku ta.

...xi ta huma ekheleni, . . .

²⁴⁴ Ku nga ri eBibeleni! Ku huma eka ntlawa wa swiyilayilani leswi swi nga endliwa hi wona. Ku hava leswi swi swi seketalaka. Xana mi swi kuma kwihi swa “phagathari”? Xana mi swi kuma kwihi leswi nga riki “nyama,” ni leswaku “muprista a nga teki,” ni hinkwaswo swilo leswin’wana va swi endlaka, “ku tivula”? Xana mi swi kuma kwihi sweswo? Kuhava ndhawu na yin’we laha u nga swikumaka kona. Swi huma etiheleni. Bibele yi vule tano. Swi tile, ni xivandzana, matimba, dyondzo leyi xi nga na yona, “Xi huma ekheleni.”

...kutani xi ya eku loveni: . . .

²⁴⁵ Xana “ku lova” kule kwihi? A tiheleni. Xi tlhelela endzhaku endhawini leyi xi humaka kona.

...lava akeke misaveni va ta va hlamala, lava mavito ya vona ma nga tsariwangiki ebukwini . . . ka hari mpfhuka loko misava yi tumbuluka, va ta hlamala loko va vona xivandzana hikuva a xi ri kona, . . . a xa hari kona, kasi xi ta tlhela xi va kona.

²⁴⁶ Sweswi, tikereke ta Tiprotestant ti ri, “Kunene, swi ngava njhani sweswo, loko va ku, ‘Ndzi pfumela eka Yesu Kreste. Hi yena Muponisi wa mina?’” Na Javulosi wa pfumela, na yena, makwerhu.

²⁴⁷ Swi fanele swi va hi ku vuyeleta, ku Tswariwa lokuntshwa, ku tswariwa nakambe. Kutani loko u tava u tshwariwile nakambe, vito ra wena ri nghenisiwa eBukwini ya Xinyimpfana ya Vutomi.

²⁴⁸ Mi ri, “Nkarhi wun’wana ndza hlamala. Kunene, yini, xana a ndzi kahle tani hi un’wana? Xana a ndzi kahle tani hi ntlawa wa n’wina wa xiphemu xa tintlharhi ta va vumbuluki lavo kwetsima xana? Ndzi tani hi ntlharhi na mina. Ndzi na vona e . . . Ndzi na tidigri. Ndzi huma ekholeji. Ndzi huma endyangwini wa kahle. Vanhu va ka hina a va ri swirho swa kereke, ku nga se va na mina. Xana a ndzi kahle tani hi n’wina xana?”

²⁴⁹ Yi ri, “Misava hinkwayo,” va Protestant ni hinkwavo, “va hlamala,” hinkwavo handle ka lava mavito ya vona ya nga tsariwa eBukwini.

²⁵⁰ Hikokwalaho ka yini mavito ya tsariwile? I Vatukulu va Abraham, “nakona i vadyi va ndzhaka ku ya hi xitshembhiso, lava nga hlawuriwa ku nga se va ni masungulo ya misava.” Sweswo hi swona swi endlaka leswaku va nga hlamali. Xiyisisani lahawani, sweswi langutani leswi a swi vuleke. Swi languteni leswi eBukwini ya Xinyimpfana ya Vutomi.

Hilaha ku fanelaka ku va ku twisia loku nga ni vutharhi.

²⁵¹ Sweswi ndzi lava ku mi vutisa swin'wana. Xana vutlharhi hi yin'wana ya tinyiko ta Moya lowo Kwetsima xana? [Nhlengeletano yi ku, "Amen."—Muhleri.] Hi swona xana? I vangani lava va pfumelaka Bibele, Vakorinto vo Sungula 12, yi dyondzisa leswaku tinyiko ni hinkwaswo leswi nga ekerekeni, i vutlharhi, a hi voneni, yin'we ya tinyiko? ["Amen."] Kunene, xana u nga vula njhani leswaku a kuri hava ku vulavula hi tindzimi? U vula njhani loko u ku a kuna ku hlamusela ka tindzimi? U nga vula njhani, leswaku ku hava ku hanyisiwa ka Matimba? Eka miri wun'we... Loko ndzi ri miri, wu ri ni voko eka tlhelo *leri*, ni voko eka tlhelo *leri*, ni nenge *lahaya*; u nga vula njhani leswaku voko a hi, nenge? Xana a mi kalanga mi swi twa leswi Paul a nga swivula xana?

²⁵² Sweswi langutani, u vulavula emasikwini yo hetelela, a kongomise eka Miri, a ku, "Hi loyi un'wana loyi a nga ni vutlharhi." Oho, ndza swi rhandza leswi. Oho, mina! Lahawani hi leswi swi nga ta mi ninginisa. Swi yingiseleni. Swi lulamile. "Lahawani hi leyi miehleketo leyi yi nga na vutlharhi." Loko tinyiko leti ta Moya lowo Kwetsima ti nga xiki eka tinguva hinkwato, hikokwalaho ka yini a vulavula hi leswi emasikwini yo hetelela? Loko kuku a ku ngevi na tinyiko ekerekeni, emasikwini ya makumu, manuku hikokwalaho ka yini a swi kongomisa leswi emasikwini ya makumu? "Lahawani hi leswi swin'wana swi nga na vutlharhi."

...*Tinhloko ta ntlhanu na timbirhi i tintshava ta ntlhanu na timbirhi, leti wansati a tshameke henhla ka tona.*

²⁵³ I swiganga swingani? I madoroba mangani emisaveni, lawa, lawa kereke yi tshameke eka swiganga swa nkombo? I rin'we ntsena. Rile kwih i lero? Doroba ra Vatican a Rhoma. A hi ntiyiso xana? [Nhlengeletano yi ku, "Amen."—Muhleri.] Bibele yi vule leswaku muoswi loyi wo chavisa loyi a endleke misava hinkwayo yi nghena evuoswini, kutani a humesa ntlawa wa swinhwenyetana leswaku swi dyondzisa tani hilaha a dyondziseke ha kona; a va nga bihangga tani hi yena, kambe hi vona tinghwavavani. U va dyondzisile swo fana. A ku, "Emasunguleni ya swona ku tava ku ri wansati," kumbe kereke, "yi tshamile eka xiganga xa vunkombo" eRhoma. Ndzi langutile hinkwako emisaveni; ndzi byeleni laha yi nga kona, "kereke leyi nga tshama eka swiganga swa nkombo." Sweswi ndzi hlaya leswi swi humaka eBibeleni.

Kambe i tihosi ta ntlhanu na timbirhi: ku wile ta ntlhanu,...

²⁵⁴ Loko hi nga teka matimu, kutani hi tlhelela endzhaku ku ya ma kombeta, laha tihosi ti nga wa kona, eRhoma, kusukela eka mfumo wa Babilona.

...yin'wana i (Nero), *kambe yin'wana a yi sita; kutaku...yi fanele ku tshama nkarhi nyana* (kwalomu ka tinhweti ta ntsevu) loko yi ta ta.

²⁵⁵ “Kutani xivandzana...” Ooh! Langutani leswi. Swingaleswi matimba ya ta teka ndhawu ya va hedeni.

Kambe xivandzana lexi ngi xi ri kona, lexi nga ha riki kona, xona...i ya vunlhanu na tinhарhu, (sweswi langutani) hi yin'wana ya leta ntlhanu na timbirhi,...

²⁵⁶ Hinkwerhu maswitiva leswaku a kuri hosi yo chavisa njhani. U hi-...U hingile manana wa yena eka nsinya lowu wu nga un'we wa hanci kutani a n'wi kokakoka eswitarateni, kutani a hisa doroba hi ndzilo, kutani a ya ti hinga ehenhla exigangeni. Walowo wa ha ri moyo wun'we lowu wu rhangelaka kereke leyi yi nga tshama endhawini ya va hedeni. “Ya vunlhanu na tinhарhu, laha ku nga yin'wana ya ntlhanu na timbirhi. Kutani u kona, a nga hari kona; a va kona, kutani a nga kona; a va kona, kutani a nga kona,” kuya ehansi.

...kutani u ya eku lovisiweni.

²⁵⁷ Tshama kufikela nkarhi wo Vuya ka Hosi, kutani u ta hoxiwa etiheleni.

Timhondzo ta khume leti u ti voneke i tihosi ta khume, leti nga siki kuma vuhos; kambe ti ta teka vuhos swin'we ni xivandzana hi nkarhi wu ri wun'we.

²⁵⁸ Oho, loko ntsena a hi ri na...“A ti se va na matimba.” A hi tihosi. Va hava...A ve nge swikoti. Timhondzo a ti na tiharhi. “Va kuma matimba ya tihosi.” Xana i yini? Valerisi; ku nga ri tihosi leti ti nga na tiharhi. Valerisi! Oho, mina!

²⁵⁹ Sweswi, oho, loko ndzi hlaya leswi, nkarhi wun'wana mbilu ya mina yi khana hi ntsako, swikahle, loko ndzi ehleketa hi leswi hi hanyisaka xiswona lahawani esikwini ro heteleta.

Timhondzo ta khume leti u ti voneke i tihosi ta khume, leti nga siki kuma vuhos; kambe ti ta teka vuhos swin'we ni xivandzana hi nkarhi wu ri wun'we.

Ti ni ku anakanya kun'we, ti nyika xivandzana evuhosi ni matimba ya tonu.

Ti ta lwa ni Xinyimpfana, kambe Xinyimpfana xi ta ti hlula:...

²⁶⁰ Lahaya ku ta Nyimpi ya Armagedon; yi ti lulamiserile Miliniyamu.

...hikuva i Hosi ya tihosi, ni Mufumi wa vafumi:... (mi nga hlamlali)...kutani lava a nga na vona hi lava vitaniweke, ni vahlawuriwa,...

²⁶¹ Ku nga ri n'wina; U na vona. Mi na Moya lowo Kwetsima, mi fanele ku huwelela ku hlula. Xikwembu xi mi hlawurile

ku nga se va ni masungulo ya misava. Loko mi nga ri voni Rivoni ra Evhangeli, ntsena swi hikokwalaho ka kuva mi ri—mi ri mabofu.

...vahlawuriwa, ni lava va tshembhekeke.

Kutani a ku eka mina, Mati lawa u ma voneke, lawa muoswi a tshamiseke ka wona, i vanhu, . . . swivongo, ni matiko, ni tindzimi.

²⁶² Hi marito man'wana, wansati loyi a tshameke lahawani, a nga kereke, u ta humesa dyondzo ya yena eka vanhu hinkwavo, eka swivongo, ni tindzimi. Kwalahaya a nga kona. U tava fuma. U tshamile emahlweni ka vona, matimba yo va fuma. U tshamile eka swiganga swa nkombo, u ambarile nguvu ya ribungu, u forisile swifumi emisaveni. Kwalahaya u kona.

Kutani timhondzo ta khume leti u ti voneke ehenhleni ka xivandzana, leswi swi ta . . .

²⁶³ Langutani sweswi, mi ta eka matimba ya xikhomonisi.

...leswi swi ta venga muoswi, swi endla rivala swi n'wi hluvurisa, swi dya tinyama ta yena, swi n'wi hisa hi ndzilo.

Hikuva Xikwembu xi nghenisile timbilwini ta swona ku endla makungu ya xona, hi ku pfumelelana, niku nyika xivandzana eku fuma ka vona, ku ko ku hetiseka marito . . . ya Xikwembu.

²⁶⁴ Haleluya! “Matilo ni misava swi ta hundza, kambe Rito ra Xikwembu ri ngaka ri nga hundzi.” Langutani!

...wansati loyi u n'wi voneke . . .

...wansati loyi u n'wi voneke i muti lowukulu, lowu fumaka tihosi ta misava.

²⁶⁵ Ndzi kombeni doroba rin'we ntsena emisaveni leri ri fumaka tihosi ta misava, hindlela yin'wana leyi mi yi lavisaka xiswona, ehandle ka ku fuma ka Khatholiki a Rhoma, ri tshameke eka swiganga swa nkombo. Ku hava na doroba na rin'we, a ri se tshama ri va kona, nakona a ri nge pfuki ri vile kona; ehandle ka Doroba Rintshwa leri ri humaka eTilweni. Sweswo hi swona.

²⁶⁶ Sweswi, ntsena xinkadyana. Ndzi lava ku mikomba leswi nakambe, swingaleswi Hosi yi ta hi nyika mieleketo niku hi katekisa loko ha ha hlaya leswi. Swi lulamile. Langutani lahawani sweswi, ndzi hlaya ndzimana ya vu13. Ndzi sungula hi vhese ya vu15.

Kutani xi nyikiwa matimba yo nghenisa ku hefemula exifanisweni . . .

²⁶⁷ Sweswo swile United States, leyi hi yi voneke yi ta, maswivona, xifaniso.

...leswaku xifaniso xa xivandza xi tiva ku vulavula, niku endla leswaku ku dlawa hinkwavo lava alaka ku gandzela xifaniso xa xivandza. (Kwalaho i ku boyikhota.)

Kutani xi endla leswaku vanhu hinkwavo, lavantsongo ni lavakulu, vafuwi ni swisiwana, lava nga fuyiwangiki ni lava fuyiweke, va tsariwa mfungho evokweni ra vona ra xinene, hambi kuri varhangeri...-mimombyeni.

Ni leswaku ku nga tshuki kuva na munhu la tivaka ku xava kumbe ku xavisa, loko a nga ri loyi a nga ni mfungho, kumbe vito ra xivandza, kumbe ntsengo wa vito leri.

²⁶⁸ Sweswi langutani, sweswi, hiku pfala sweswi, hi vurhon'wana, hikuva ha pfala. Vhese ya vu¹⁸. Yingisani.

Hilaha vutlharhi byi nga kona.

²⁶⁹ Maswivona leswaku Moya lowo Kwetsima wu vitana vapfumeri hi siku ro hetelela xana? Xintlawana xexo xintsongo lahaya, wule ku vulavuleni, wu vitana xintlawana nyana esikwini leri, “Lahawani hi yena la nga ni vutlharhi ekerekeni. Mi nge a twisia leswi.”

...Loyi a tlhariheke a ringanise ntsengo wa xivandza: hikuva i ntsengo wa munhu, (ku ngari tiko) munhu; kutani ntsengo wa xona i Ntsevu wa madzana ni makume ntsevu-ntsevu.

²⁷⁰ Kutani ehenhla eDorobeni ra Vatican...Mi nga ndzi byeli sweswi; ndzi na *Timhaka Ta Ripfumelo Ra Hina*, ni hinkwaswo, wa vona. Ehenhleni ka Doroba ra Vatican, phope u yimile tani hi “xandla xa N'wana wa Xikwembu.” Ndzi ni vanghana va Khatholiki lava va nga tshama lahawani, lava va nga va Khatholiki, va nga tshama lahawani va swi tivaka leswaku walowo i ntiyiso. Vanhu va mina, kumbexani, ku nga se va na mina, a vari va Khatholiki, na vona. Wa vona?

²⁷¹ Va vitanile Mukwetsimi Patrick leswaku i Mukhatholiki, kutani a nga kalanga a va Mukhatholiki. Va ri Joan wa Arc a ri mukwetsimi; kutani vaprista va n'wi hisile tani hi noyi. A swi hlamarisi loko Yesu a teri, “Mi aka masirha ya vaprofeta, kutani mi va nghanisa kwalahaya, mi aka ni makhumbhi.” Sweswo hi swona.

²⁷² Langutani, i nambara ya munhu. Kutani ehenhleni ka phope wa Rhoma, ku tsariwile leswaku, “VICARIVS FILII DEI.” Swi tsariwile hi maletere ya Xirhoma. Ntsena ti tsaleni n'wina hi n'wexe, mundzuku. V, I, C, I, R, oho, ntsena tihumeseni, hi maletere ya Xirhoma, kutani mi pfapfarhuta

ntila mi wu hlanganisa, kutani mi vona leswaku mi kuma yini: ntsevu wa madzana na makume ntsevu-ntsevu. Xana u tshamile kwihi? "Eswigangeni swa nkombo."

²⁷³ Kutani kona kwalahaya ku humile vukhongeri lebyi byi nga kondleteriwa, lebyi byi dyondzisaka nawu wa kereke ematshan'wini ya Bibele. Kutani Maprotestant va balekile va huma eka wona, kutani va ha endla swo fana ni leswi va swi endlaka, hikuva Yi teri i "MUOSWI," kutani vona i "SWIOSWI." Va tisa nkhuvulo wo hoxeka, na vukhongeri lebyi hoxekeke, ni miehleketo leyi nga hoxeka ya Moya lowo Kwetsima, ni miehleketo yo hoxeka ya tihela, ni hinkwaswo swilo swo tani hi sweswo, kutani Maprotestant va landzelela hi minkondzo.

Kambe ku tava na Rivoni hi nkarhi wa ni
madyambu,
Ndlela ya ku Kwetsima hakunene mi ta yi
kuma; (sweswo hi swona)
...ndlela, i Rivoni namuntlha,
Lahliwa eVitweni ro hlawuleka ra Yesu.
Lava ntsongo ni lava kulu, hundzukani eka
vudyoho bya n'wina,
Moya lowo Kwetsima hakunene wu ta
nghena;
Mavoni ya ni madyambu hakunene ma ta ta,
I ntiyiso leswaku Xikwembu na Kreste i
un'we. (Amen!)

²⁷⁴ Makwerhu, ndza ku byela, Mavoni ya ni madyambu ya le ku voningeni. Dyondzo leyi yi fanaka ni ya vuapostola, nkhuvulo wun'we ni wa vuapostola, ku tatiwa kun'we ko fana ni ka vuapostola hi Moya lowo Kwetsima, masingita ni mahlorhi man'we ya vuapostola, swile ku jovoteleni eka Vamatiko; tani hilaha va swi endleke Vayuda, endzhaku lahaya ka ha ri mixo, lahwani swile ku peleni ka dyambu.

Hakanyingi ku ni vanhu hinkwako,
Lava timbilu ta vona ti nga eku pfurheni
hinkwato
Hi Ndzilo lowu wu nga wa hi Pentekosta,
Lowu wu basisaka nikuva endla lava tengenge;
Oho, wu le ku pfurheni sweswi endzeni ka
mbilu ya mina,
Oho, kukwetsima akuve eVitweni ra Yena!
Ndzi tsakile hikwalaho ndzi nge ndzi
un'wana wa vona.
Un'wana wa vona, ndzi un'wana wa vona,
Ndzi tsakile hikwalaho ndzi nge ndzi
un'wana wa vona;
Un'wana wa vona, un'wana wa vona,
Ndzi tsakile hikwalaho ndzi nge ndzi
un'wana wa vona.

Va hlanjeletananile ekamareni rale henhla,
 Hinkwavo vale ku khongeleni eVitweni ra
 Yena,
 Va khuvuriwile hi Moya lowo Kwetsima,
 Ni Matimba ya ntirho lowu wu teke;
 Leswi A nga va endlela swona hi siku lero
 Wa ha ta mi endlela swo fana na swona,
 Ndzi tsakile hikwalaho ndzi nge ndzi
 un'wana wa vona.

A mi tano xana? [Nhlenjeletano yi ku, “Amen.”—Muhleri.]

Tana, makwerhu wa mina, lava minkateko
 leyi
 Leswaku yi ta basisa mbilu ya wena
 evudyohwени,
 Yi ta sungula ku chaya ka tibebe ta ntsako
 Kutani yi ta pfurhisa moya wa wena;
 Oho, kule ku pfurheni sweswi embilwini ya
 mina,
 Oho, ku kwetsima akuve eVitweni ra Yena,
 Ndzi tsakile hikwalaho ndzi nge ndzi
 un'wana wa vona.

²⁷⁵ Oho, eka Evhangeli leyi kwetsimaka!

Yi thona ngati, ina, yi thona ngati,

²⁷⁶ Hlayelani nhlayo! “Loko a ta Ndzi landzela, n’wi tshikeni a
 ti tsan’wa yena hi yexe, tekani xihambano xa yena (rifu) kutani
 mi Ndzi landzela.”

Evhangeli leyi ya Moya lowo Kwetsima yi
 thona ngati,
 Ngati ya vadyondzisiwa lava va feleke
 Ntiyiso,
 Evhangeli leyi ya Moya lowo Kwetsima yi
 thona ngati.

Wo sungula la nga fela nkunguhato lowu wa
 Moya lowo Kwetsima,
 A kuri Yohana Mukhuvuri, kambe u file tani
 hi munhu;
 Kutani ku landzela Hosi Yesu, va N’wi
 vambilé,
 U chumayerile leswaku Moya wu ta ponisa
 vanhu evudyohwени.

A kuri na Petro na Paul, na Yohana wa
 matimba,
 Va nyikerile vutomi bya vona leswaku
 Evhangeli leyi yi vangama;
 Va hlanganisile ngati ya vona, ni vaprefeta va
 khale,
 Leswaku Rito ra ntiyiso ra Xikwembu hi ku
 tshembheka ri nga ha vuriwa.

Kutani va khandlile Stefano hi maribye, a chumayela ku lwisana ni xidyoho,
 U va endlile va khunguvanyeka, va phyandlasile byongo bya yena;
 Kambe u fele eMoyeni, a nyiketa moya,
 Kutani a ya tihlanganisa ni van'wana,
 muendzeriwa yaloye a nyikaka vutomi.
 Yi thona ngati, ina, yi thona ngati,
 Evhangeli leyi ya Moya lowo Kwetsima yi tshamela ro thona ngati,
 Ngati ya vadyondzisiwa lava feleke Ntiyiso,
 Evhangeli leyi ya Moya lowo Kwetsima yi tshamela ro thona ngati.
 Mimoya leyi nga ehansi ka altari, yile ku rileni, "I nkarhi wo tani hi kwih?"
 Eka Hosi ku xupula lava va hoxeke; (va hleki, wa bona. Oho, mina!)
 Kambe ka ha ri ni votala lava nga ta nyikela vutomi bya ngati ya bona
 Eka Evhangeli leyi ya Moya lowo Kwetsima ni ndhambhi ya mavala ya ngati.
 Yi thona ngati, ina, yi thona ngati,
 Evhangeli leyi ya Moya lowo Kwetsima yi tshamela ro thona ngati,
 Ngati ya vadyondzisiwa lava va nga fela Ntiyiso,
 Evhangeli leyi ya Moya lowo Kwetsima yi thona ngati.

²⁷⁷ A hi hundzulukeni, hi tlhavulana mavoko sweswi.

Yi thona ngati, ina, yi thona ngati,
 Evhangeli leyi ya Moya lowo Kwetsima yi thona ngati
 Ngati ya vadyondzisiwa lava va nga fela Ntiyiso,
 Evhangeli leyi ya Moya lowo Kwetsima yi thona ngati.

²⁷⁸ Xana ma yi rhandza Hosi xana? [Nhlengeletano yi ku, "Amen."—Muhleri.] Hosi a yi mikatekisi.

²⁷⁹ Tatana, ha khongela leswaku U ta katekisa vayingiseri lava, leswaku va nga ha ya ekaya va tsakile. Leswaku va nga ha ta eXihlobyeni va tatiwile hi Ngati, leyi humaka eminsiheni ya Emmanuel. Leswaku va nga ha tshika hinkwawo maendlelo ya kereke ya khale, vata va ta amukela Moya lowo Kwetsima. Ha khongela hi Vito ra Yesu. Amen.

Xikwembu a xi mi katekisi. Vanani ni madyambu lamanene. Xikwembu a xi ve na n'wina.



MFUNGHO WA XIVANDZANA TSO54-0513
(The Mark Of The Beast)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Wavumune ni madyambu, Mudyaxihi 13, 1954, eBranham Tabernacle eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2013VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
P.O. Box 178, SOMERSET WEST, 7129 CAPE PROVINCE,
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org